

3. april 2025

Nr. 342

Kalaallit Nunaanni eqqartuussisarnermik inatsisip allanngortinneqarnera
pillugu inatsisit
(Akiliisitsisarnermut eqqartuussivik ikiorsiullugu akiligassanik
akiliisitsiniarneq)

§ 1

Inatsimmik allanngorneri ilanngullugit nalunaarutiginninneq nr. 1186,
18. september 2023-imeersoq malillugu Kalaallit Nunaanni
eqqartuussisarnermik inatsimmi allannguutit tuliiuttut suliarineqassapput.

1. § 262-ip kingorna *immikkoortumi III-imi ilanngunneqassaaq*:

”Kapiteli 22

*Akiliisitsisarnermut eqqartuussivik ikiorsiullugu akiligassanik
akiliisitsiniarneq*

§ 263. Akiligassallip piumasaqaammut akerlilinnginnissaa imaluunniit
illuatungaaniit piumasaqaateqarnissani piumasarissanngikkaa
akiligassaqaarfiup ilimaginngippagu, kapitalimi matumani malittarisassat
aningaasanut piumasaqaataasunut annerpaamik 100.000 kr.-iusunut

atorneqarsinnaapput. Erniat aningaasartuutillu piumasaqaatip nalingata naatsorsorneqarnerani ilaatinneqassanngillat.

Imm. 2. Akiliisitsiniarnermut eqqartuussivik ikiorsiullugu akiligassanik akiliisitsiniarnermi aamma tassani akiligassallit arlallit taaneqarsimappata, akiligassalinnut tamanut immikkut immikkoortillugit malittarisassat §§ 263 d-miit 263 g ilanngullugu allassimasut atorneqassapput.

§ 263 a. Akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarneratigut akiliisitsiniarneq aallartinneqassaaq.

Imm. 2. § 263 b, imm. 2, nr. 2 malillugu, akiligassallip pigisanik tigusinissaq nutaamik noqqaassuteqarani allartinneqarnissaa akiligassaqarfiup noqqaassutigippagu, § 601, imm. 1 aamma imm. 2-mi oqaaseqatigiit aappaat malillugit eqqartuussiviup piumasaqaatinik tamarmiusunik suliarinniffiusinnaasup Kalaallit Nunaanniinnissaa piumasaqaataavoq.

Imm. 3. Aalajangersakkat taakku eqqortinneqarnerisa, taamaaliortoqanngippat akiligassarineqartut pisassarisat akilinngitsoorneqarnissaannik ilimanartorujussuarmik aarlerinaammik kinguneqassanngippata, akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussiivimmut tunniunneqannginnerani, akiligassalimmut akiligassanik akileeqqusissummik, imm. 4-imik aamma 5-imik piumasaqaatinik naammassinnittumik nassiussisoqarsimassaaq, aamma piffissaliussaq imm. 5-imi taaneqarsimasoq, naareersimassaaq.

Imm. 4. Akiligassanik akileeqqusissummi paasissutissat tamarmiusut, pisassarisap akiligassalimmit nalilersorneqarnissaanut pisariaqartinneqartut, erseqqissumik taaneqassapput.

Imm. 5. Piffissap sorliup iluani, akiligassalimmut aningaasartuutunik akiligassat annertusineqarnissaannut iliuuseqarfiusussaannngitsup, akiligassallip pissarisamik naammassillugu akiliiffigisinnaasaa, akiligassanik akileeqqusissummi taaneqassaaq. Akiligassanik akileeqqusissutip nassiunneqarneranit, ullunik minnerpaamik 14-inik piffissaliussaq sivissuseqassaaq.

§ 263 b. Akiliisitsiniarnermut eqqartuussivik ikiorsiullugu akiligassanik akiliisinniarnaq tulluuttunik imaqaassaaq

- 1) akuusut atii aamma najugaat, matumani najugaq, akiligassaqarfimmut nalunaarutunik nassiussiffigineqarsinnaasoq,
- 2) akiligassaqarfiup piumasaqaataa aamma

3) akiligassa qarfiup piumasaqaataanut tunuliaqutaasup allaaserineqarnera.

Imm. 2. Paasissutissat tulliuttut pillugit aammattaaq akiliisitsiniarnermut eqqartuussivik ikiorsiullugu akiligassanik akiliisitsiniarneq imaqaassaaq,

1) § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31, 171 imaluunniit § 207, imm. 1 malillugit akiligassap pigisaanik tiguisoqarsinnaanngippat, akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassalimmut nalunaarutiginnittoqarnissaa akiligassa qarfiup kissaatigineraa,

2) akiligassalik akerliliinngippat, akiligassallip pigisaanik tigusinissaq nutaamik noqqaassuteqaqqaarnani aallartinneqassanersoq, akiligassa qarfiup kissaatigineraa, aamma

3) akiligassalik akerliliippat, akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu eqqartuussivimmi suliasamik suliarinninneq aallartinneqarnissaa, akiligassa qarfiup kissaatigineqarneraa.

Imm. 3. Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu Domstolsstyrelse malittarisassanik erseqqinnerusunik aalajangersaasinnaavoq, matumani immersugassat immikkut ittut atorneqarneqarnissaat aamma akiliisitsiniarnermut eqqartuussivik ikiorsiullugu akiligassanik akiliisitsiniarnerup assilillugu sanaqqinneqarnerata tunniunneqarnissaa ilanngullugit.

Imm. 4. Nunatsinni Eqqartuussivik immersugassat immersorneqarneranni ilitersuissaaq.

§ 263 c. Akiliisitsiniarnermut eqqartuussivik ikiorsiullugu akiligassanik akiliisitsiniarnerup piumasaqaatit §§ 263-263 b-miittut eqquutinngippagit, aalajangiinikkut suliaq itigartitsissutigineqassaaq. Suliap saqqummiunneqarnerani akiligassa qarfiup piumasaqaatai tunngavissaqanngitsutut isigineqarpata, tamanna aamma atuuppoq. Akiligassa qarfigineqartup noqqaassuteqarneratigut itigartitsineq pillugu aalajangiineq tunngavilersorneqassaaq.

Imm. 2. Imm. 1-imi amigaatit taaneqartut pillugit akiligassa qarfigisap amigaatit iluarsineqarnissaannut akiligassa qarfigisaq eqqartuussiviup piffissaliussamik tunisinnaavaa.

Imm. 3. Suliami aningaasartuutigineqartut akilernerneqarnissaat pillugit eqqartuussivik aalajangiissaaq aamma akiliisitsiniarnermut eqqartuussivik

ikiorsiullugu akiligassanik akiliisitsiniarnermut tamanna pillugu oqaaseqaateqassaaq.

§ 263 d. § 603, imm. 1, imaluunniit akiliisinnajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tiguisoqarsinnaanngippat, aamma § 263 b, imm. 2, nr. 1 malillugu akiligassaqaarfiup taamaattoqassappat nalunaarutiginninnerup pinngitsoortigineqannginnissaa noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarnerup imm. 2-mi ilitsersuummi taaneqartumi ilanngunneqartup, akiligassalimmut nalunaarutigineqarnissaa eqqartuussiviup isumagissavaa.

Imm. 2. Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu eqqartuussutip inatsisitigut malitseqartinneqarnera pillugu, aamma akiligassallip nammineq soqutigisami isumaginissaannut qanoq iliuuseqartariaqarnera pillugit, akiligassalimmut ilitsersuummik Domstolsstyrelse suliaqassaaq.

§ 263 e. Piumasaqaammut akiligassalik akerliliissuteqarppat, akiligassallip akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu nalunaarutiginninnerup kingorna, sapaatit akunneri 4 qaangiutsinnagit akiligassalik allakkatigut tamanna pillugu eqqartuussivimmut nalunaaruteqassaaq.

§ 263 f. § 263 e malillugu piffissaq eqqorlugu akerliliineq saqqummiunneqanngippat, akiliisitsiniarnermut eqqartuussivik ikiorsiullugu akiligassanik akiliisitsiniarnermut tamanna pillugu eqqartuussivik oqaaseqaateqassaaq aamma akuusut nalunaarfigissallugit. § 263 b, imm. 2, nr. 2 malillugu nutaamik noqqaassuteqartoqartinnagu akiligassallip pigisaanik tigusinissap suliarineqarnissaa akiligassaqaarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup najukkami eqqartuussivimmut nassiutissavaa, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq pinngitsaaliinikkut naammassinninniaanermut naligiissinneqassaaq. Nutamik noqqaassuteqarnani akiligassallip pigisaanik tigusinissap suliarineqarnissaa akiligassaqaarfiup noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup akiligassaqaarfimmut nassiutissavaa.

Imm. 2. Imm. 1-imi oqaaseqatigiit siulliit malillugit akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaateqarfigineqarpat, taanna eqqartuussutitut unioqqutinneqartussaannngitsumik sunniuteqalissaaq.

Imm. 3. Sapaatit akunnerini 4-ni piffissaliussap iluani suliaq aallarteqqinneqarnissaa akiligassallip piumasaqaatigisinnaavaa. Noqqaassut Nunatsinni Eqqartuussivimmut saqqummiunneqassaaq. Noqqaassut najukkami eqqartuussivimmut saqqummiunneqarpat, najukkami eqqartuussiviup erngerluni tamanna pillugu Nunatsinni Eqqartuussivik nalunaarfigissavaa. Noqqaassut kingusinnerusukkut, kisianni ukioq 1 qaangiutsinnagu, saqqummiunneqarpat, qaqutiguinnaq Nunatsinni Eqqartuussiviup suliaq aallarteqqissinnaavaa. Akiligassalimmit suliamut aningaasartuutit, akileqquneqartut, akilerneqarnissaat imaluunniit qularnaveeqquserneqarnissaat, aallartitseqqinnissamut piumasaqaatigineqarsinnaapput.

Imm. 4. Suliaq aallarteqqinneqarpat, imm. 1-imi oqaaseqatigiit siulliit malillugit oqaaseqaat eqqartuussiviup atorunnaarsissavaa, aamma § 263 g malillugu suliaq ingerlatilissallugu.

§ 263 g. § 263 e malillugu piffissaq eqqorlugu piumasaqaammut akerliliisoqarpat, aamma § 263 b, imm. 2, nr. 3 malillugu eqqartuussivimmut sassaqqusissummik tunniussinani eqqartuussivimmi suliaq aallartinneqarnissaa akiligassaqaarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq, eqqartuussivimmut sassaqqusissutitut nalogiissinneqartoq, tunngavigalugu eqqartuussivimmi suliaq eqqartuussiviup aallartissavaa. Eqqartuussivimmi suliaq eqqartuussivimmut sassaqqusissummik tunniussinani aallartinneqarnissaa akiligassaqaarfigisap noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassaqaarfimmut nassiunneqassaaq, aamma tamanna pillugu akiligassalik nalunaarfigineqassaaq.”

2. § 598, imm. 1, nr. 1-imi, ”naammassiniarneqarsinnaasut,” kingorna ilanngunneqassaaq: ”kiisalu akiliisitsiniarnermut eqqartuussivik ikiorsiullugu akiligassanik akiliisitsiniarnerit § 263 f, imm. 1 malillugu oqaaseqaatitaqartut,”.

3. § 599-imi imm. 2-p kingorna immikkoortutut nutaatut ilanngunneqassaaq:

"Imm. 3. Akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq, erngerluni naammassinninniutigineqarsinnaavoq."

Tamatuma kingorna imm. 3-miit 6 ilanngullugu imm. 4-imiit 7 ilanngullugu immikkoortunngussapput.

4. § 600, imm. 1-imi, *oqaaseqatigiit aappaanni*, "Imm. 6" ima allanngortinneqassaaq: "Imm. 7".

5. § 609, imm. 3-mi, *"aalajangiissutillu"* kingorna ilanngunneqassaaq: *"kiisalu akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq,"*.

6. § 708 sioqqullugu qulequtaq ima oqaasertalerneqassaaq:

"Innuttaasut pillugit eqqartuussivimmi suliat eqqartuussummik naammassineqartut aamma akiliisitsiniarnermi eqqartuussivik ikiorsiullugu akiligassanik akiliisitsiniarnerit".

7. § 708-imi *"siullermeeriffiusumik"* kingorna ilanngunneqassaaq: *"aamma akiliisitsiniarnermut eqqartuussivik ikiorsiullugu akiligassanik akiliisitsiniarneq"*.

8. § 708-imi imm. 2-tut ilanngunneqassaaq:

"Imm. 2. § 603, imm. 1 malillugu akiligassallip pigisaanik tiguisoqarnissaata itigartitsissutigineqarnera, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 pissutigalugit akiliisitsiniarnermut eqqartuussivik ikiorsiullugu akiligassanik akiliisitsiniarnermut nalunaarutiginninnerup nalunaarutigineqarnera pinngitsoorpat, aamma § 263 b, imm. 2, nr. 1 malillugu taamaattoqassappat nalunnarutiginninnerup pinngitsoortinneqarnissaa akiligassa qarfiup noqqaassutigisimappagu, akitsuutini akiliisussaannermut pisussaaffik atorunnaarsinneqassaaq."

9. § 715, nr. 1-imi, *"suliassanngortitsissutitut"* kingorna ilanngunneqassaaq: *"akiliisitsiniarnermut eqqartuussivik ikiorsiullugu akiligassanik akiliisitsiniarneq"*.

10. § 720-imi imm. 1-p kingorna immikkoortutut nutaatut ilanngunneqassaaq:

”Imm. 2. § 263 f, imm. 1-imi oqaaseqatigiit aappat malillugit akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu pinngitsaaliinikkut naammassinninniaaneq aallartinneqarpat, imm. 1, nr. 1 malillugu akitsuut akilerneqassanngilaq, taamaattoq § 722 takuuk.”

Tamatuma kingorna imm. 2-miit 4 ilanngullugu imm. 3-miit 5 ilanngullugu immikkoortunngussapput.

§ 2

Inatsit ulloq 1. juli 2025 atuutilissaaq.

Ujarliutit

1. Aallaqqaasiut

2. Akiliisitsiniarnermut eqqartuussivik ikiorsiullugu akiligassanik akiliisitsiniarneq

2.1. Inatsisit atuuttut

2.2. Inatsiseqarnermut ministereqarfiup isumaliutiginninnera

2.3. Aaqqissuussineq siunnersuutigineqartoq

3. Pisortanut aningaasaqarnikkut kingunissai aamma atortuulersitsinermi kingunissaa

4. Inuussutissarsiornermut il.il. aningaasaqarnikkut allaffissornikkullu kingunissaa

5. Innuttaasunut allaffissornikkut kingunissaa

6. Silap pissusaanut tunngasumik kingunissaa

7. Avatangiisinut- pinngortitamullu kingunissaa

8. EU-mi inatsisitigut tunngassuteqartut

9. Oqartussat suleqatigiiffiillu il.il. tusarniaaffigineqartut

10. Immersugaq eqikkaaffiusoq

1. Aallaqqaasiut

Naalagaaffeqatigiini Kalaallit Nunaannut naligiimmik, pitsaasumik aamma patajaatsumik peqatigiinnissaq naalakkersuisut kissaatigaat. Kalaallit Nunaat peqatigalugu taamaammat qallunaat akisussaaffii naalakkersuisut ineriartortinniarpaat, ilaatigut suliassa qarfinni, Danmarkip akisussaaffigisaani inatsisiliornerit nutarterneqarnerisigut. Kalaallit Nunaannut inatsisiliornerit, Danmarkip akisussaaffigisaasa, ullumikkumut naleqquttuunissaat aamma pitsaasumik pitsaassuseqarnissaat pingaaruteqarpoq.

Aningaasanik akiliisitsiniarneq pillugu suliat piuminarnerusumik suliarineqartarnerat pillugu periarfissat Danmarkimi atuuttut, Kalaallit Nunaanni eqqartuussisarnermi eqqunneqarnissaat, Naalakkersuisut noqqaassutigisimavaat.

Naalakkersuisut noqqaassutaat Inatsiseqarnermut ministereqarfiup isumaqatigaa, aamma Kalaallit Nunaanni eqqartuussisarnermik inatsimmi akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu malittarisassanik ilanngussisoqarnissaa, tamanna tunngavigalugu siunnersuutigineqarpoq.

Allamik allassimasoqartinnagu, inatsisissatut siunnersuummut oqaaseqaatini »eqqartuussisarnermik inatsit«-mut innersuussisoqartillugu, Kalaallit Nunaanni eqqartuussisarnermik inatsit pineqarmat maluginiarneqassaaq.

2. Akiliisitsiniarnermut eqqartuussivik ikiorsiullugu akiligassanik akiliisitsiniarneq

2.1. Inatsisit atuuttut

Eqqartuussisarnermik inatsimmi § 57 malillugu Nunatsinni Eqqartuussivik inuit sakkutuujunngitsut pillugu eqqartuussivimmi suliaassanut suliarinneqqaarfiuvoq.

Eqqartuussivimmi suliaq, Nunatsinni Eqqartuussiviup ataaniittoq, eqqartuussisarnermik inatsimmi § 202 malillugu najukkami eqqartuussivimmi suliarineqarsinnaasoq, akuusut isumaqatigiissutigisinnaavaat. Taamaattoq taamaattumik isumaqatigiissusiortoqaraluartoq, suliaq ajornakusoortuuppat imaluunniit inatsisitigut apeqqutinik tunngassuteqarpat, suliaq pingaaruteqartut pissuseqarpat imaluunniit suliaq akuusumut immikkut ittumik akuliunnertut sunniuteqarpat, § 56 malillugu najukkami eqqartuussiviup Nunatsinni Eqqartuussivimmut innersuussinnaavaa.

Akiligassanik akiliisitsiniarneq pillugu suliarinninneq pillugu malittarisassanik immikkut ittunik aalajangersaasoqanngilaq, imaappoq suliat aningaasat pillugu piumasaqaatinut tunngassuteqartut pillugit, tassani akiligassalimmit piumasaqaammut akerliliisoqarnani.

2.2. Inatsiseqarnermut ministereqarfiup isumaliutiginninnera

Inatsisikkut nr. 450-ikkut, 9. juni 2004-imeersukkut, 1. januar 2005-imi atuutilersukkut, aningaasanik piumasaqaatit assortorneqanngitsut akiliisitsiniutigineqarnerisa ajornannginnerulersinneqarnissaat

siunertaralugu, piuminarnerusumik akiligassanik akiliisitsiniarnermik ingerlatsineq pillugu malittarisassanik nutaanik qallunaat eqqartuussisarnermik inatsisaanni ilanngussisoqarpoq. Akiligassanik akiliisitsiniarnermik ingerlatsineq ajornannginnerusoq, akiligassaqaarfigisamit nammeneq qinerneqarsinnaasoq, pingaarnertut tulluuttunik imaqaarpoq:

- Akiligassaqaarfigisaq akiliisitsisarnermut eqqartuussivimmut akiliinissaq pillugu piumasaqaammik (akiliisitsiniarnermut eqqartuussivik ikiorsiullugu akiligassanik akiliisitsiniarnermik) tunniussissaaq. Akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassanik akiliisitsiniarnermi suliaasaq pillugu eqqartuussivimmut sassaqqusissummi paasissutissat assinginik imaqassaaq (ingammik akuusut atii najugaallu, piumasaqaat aamma tassunga tunngavilersuut).

- Akiliisitsiniarnermut eqqartuussivik ikiorsiullugu akiligassanik akiliisitsiniarneq (akiliisitsisarnermut eqqartuussiviup misissuinernik aallarnersaataasunik misissuereernerata kingorna) eqqartuussivimmut sassaqqusissutit assingatulli akiligassalimmut nalunaarutigineqassaaq. Akiligassallip piumasaqaat akuerisinnaangippagu, akiligassalik ullut 14-it qaangiutsinnagit akiliisitsisarnermut eqqartuussivimmut allakkatigut akerliliissuteqassaaq. Akerliliissut erseqqinnerusumik tunngavilersorneqartariaqanngilaq.

- Akiligassalik ullut 14-it qaangiutsinnagit *akerliliinngippat*, akiliisitsisarnermut eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq tamanna pillugu oqaaseqaateqarfigissavaa. Akiligassaqaarfigisaq aamma akiligassalik akiliisitsisarnermut eqqartuussiviup tamanna pillugu nalunaaruteqarfigissavai. Akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatitaqartoq, pinngitsaaliinikkut naammassinninniaanermut tunngavittut atorineqarsinnaavoq aamma eqqartuussutitut unioqqutinneqartussaannngitsumik sunniuteqassalluni. Akiligassalik akerliliinngippat, akiligassaqaarfigisamit nutaamik noqqaassuteqarnani, suliaq pinngitsaaliinikkut naammassinninniaanermik nanginneqassasoq, akiliisitsiniarnermut eqqartuussivik ikiorsiullugu akiligassanik akiliisitsiniarnermi taaneqarsinnaavoq.

- Akiligassalik ullut 14-it qaangiutsinnagit akerliliippat, suliaq akiligassanik akiliisitsiniaanertut ingerlaqqissinnaanngilaq.

Taamaattoqarpat isumaqatigiinngissut inuit sakkutuujunngitsut pillugit eqqartuussivimmi suliatut nalinginnaasutut aalajangiiffigineqassaaq. Akiligassalik akerliliippat, akiligassa qarfigisamit nutaamik noqqaassuteqarnani, suliap eqqartuussivimmi suliatut nangingneqarnissaa, akiliisitsiniarnermut eqqartuussivik ikiorsiullugu akiligassanik akiliisitsiniarnermi taaneqarsinnaavoq.

Aningaasanik akiliisitsiniarneq pillugu suliat piuminarnerusumik suliarineqartarnerat pillugu periarfissat Danmarkimi atuuttut, Kalaallit Nunaanni eqqartuussisarnermi eqqunneqarnissaat, Naalakkersuisut noqqaassutigisimavaat.

Naalakkersuisut noqqaassutaat Inatsiseqarnermut ministereqarfiup akuersaarsinnaavaa.

2.3. Aaqqissuussineq siunnersuutigineqartoq

Kalaallit Nunaanni eqqartuussisarnermik inatsimmi akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu malittarisassanik ilanngussisoqassasoq, tamanna tunngavigalugu siunnersuutigineqarpoq.

Taamaattoqassappat akiligassalimmut nalunaarutiginnittoqartinnagu, inuit sakkutuujunngitsut pillugit eqqartuussivimmi suliani, najuutinngitsoornermi eqqartuussutit nalunaarutigineqannginneranni inatsisitigut nakkutiginninnerit eqqartuussiviup suliarisartagaasa assingisut, akiliisitsiniarnermut eqqartuussivik ikiorsiullugu akiligassanik akiliisitsiniarnerup inatsisitigut nakkutilliiffigineqarnera pissuseqarpoq.

Inuit sakkutuujunngitsut pillugit eqqartuussivimmi suliat aamma taamaammat najuutinngitsoornermi eqqartuussutit nalunaarutigineqannginneranni inatsisitigut nakkutiginninnerit Nunatsinni Eqqartuussivimmit suliarineqartarmata, Kalaallit Nunaanni akiliisitsiniarnermut eqqartuussivik ikiorsiullugu akiligassanik akiliisitsiniarnerit Nunatsinni Eqqartuussivimmi suliarineqartassasut, aamma Danmarkimi akiliisitsisarnermut eqqartuussivimmi suliarineqartarnerisut suliarineqartassanngitsut, siunnersuutigineqarpoq.

Piumasaqaammut akiligassalik akerliunngippat, taamaattoqassappallu akiliisitsiniarnermut eqqartuussivik ikiorsiullugu akiligassanik

akiliisitsiniarneq nutaamik noqqaassuteqaqqaarani pinngitsaaliinikkut naammassinninniaanissaq aamma akiligassaqarfiup noqqaassutigisimappagu, Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq najukkami eqqartuussivimmut nassiutissavaa, taassumalu tamatuma kingorna tamanna tunngavigalugu akiligassaqarfik nutaamik noqqaassuteqartinnagu pinngitsaaliinikkut naammassinninniaaneq aallartissavaa. Soorlu Danmarkimi pisartutut noqqaassut ataaseq tunngavigalugu akiligassaqarfiup, ataqatigiissumik suliap ingerlanneqarnerani piumasaqaat aalajangersarneqartissinnaavaa aamma pinngitsaaliinikkut naammassinninniaaneq naammassitissinnaallugu.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu suliasap suliareqqitassanngortinneqarnissaa pillugu akiligassallip noqqaassutaa, najukkami eqqartuussiviup tigusinnaasariaqassagaa aamma Nunatsinni Eqqartuussivimmut ingerlateqqissinnaasariaqassagaa, aammattaaq siunnersuutigineqarpoq.

Danmarkimi nalunaarutiginninneq pippat, piffissaliussaq ullut 14-iugaluartut, aamma Kalaallit Nunaanni, Savalimmiuni imaluunniit nunani allani nalunaarutiginninneq pippat, aamma sapaatit akunneri 4-galuartut, akiligassallip piumasaqaammut akerliliissuteqarsinnaanera akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutigineqarneranit pisuni tamani sapaatit akunneri 4-maassasut, Kalaallit Nunaanni pissutsit malitsigisaannik siunnersuutigineqarpoq,

Danmarkimi piffissaliussaq ullut 10-ugaluartut, akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmut tunniunneqarsinnaanera sioqqullugu, akiligassanik akileeqqusissummi, aallaaviatigut akiligassalimmut nassiunneqartussami, suli allanik aningaasartuutilersuutaassussaannngitsumik, akiligassalik minnerpaamik ullunik 14-inik, allanik piumasaqaammut akiliinissaminut piffissalernerqassasoq, aammattaaq siunnersuutigineqarpoq.

3. Pisortanut aningaasaqarnikkut kingunissai aamma atortuulersitsinermi kingunissaa

Akiliisitsisarnermut eqqartuussivik ikiorsiullugu akiligassanik akiliisitsiniarnerit isumagineqarnissaannut it- atorlugu aaqqiissutip ineriartortinneqarneranut atortuulersinneqarneranullu atasumik 2025-imi

eqqartuussivinnut 0,5 mio. kr.-inik aningaasartuuteqarnerunissaq kiisalu sulianik suliarinnittarnerup allanngortinneqarnerata kingunerisaanik, sulisut, ilaatigut Kalaallit Nunaanni najukkani eqqartuussivinniittut, piginnaasaasa ineriartortitsivigineqarnerannut pisariaqartinneqartumut 2025-imi 0,2-0,3 mio.kr.-it missaaniittunik aningaasartuuteqarnerunissaaq, inatsisissatut siunnersuutip kingunerissagaa naatsorsuutigineqarpoq.

Nunap immikkoortuinut imaluunniit kommuninut aningaasaqarnikkut imaluunniit atortuulersitsinermut inatsisissatut siunnersuut kinguneqassanngilaq.

4. Inuussutissarsiornermut il.il. aningaasaqarnikkut allaffissornikkullu kingunissaa

Piumasaqaammut akiligassalik akerliliisoqarsimatinnagu, aningaasanik piumasaqaatit annerpaamik 100.000 kr.-iusut pillugit ajornannginnerusumik akiliisitsiniaassutigineqarnissaat, inatsisissatut siunnersuutip periarfissiissutigaa, taamaaliornerrullu suliffeqarfinnut allaffissornikkut aningaasaqarnikkullu oqilisaataasinnaanera naatsorsuutigineqarpoq.

5. Innuttaasunut allaffissornikkut kingunissaa

Piumasaqaammut akiligassalik akerliliisimatinnagu, aningaasanik piumasaqaatit annerpaamik 100.000 kr.-iusut pillugit ajornannginnerusumik akiliisitsiniaassutigineqarnissaat, inatsisissatut siunnersuutip periarfissiissutigaa, taamaaliornerrullu innuttaasunut allaffissornikkut aningaasaqarnikkullu oqilisaataasinnaanera naatsorsuutigineqarpoq.

6. Silap pissusaanut tunngasumik kingunissaa

Inatsisissatut siunnersuut silap pissusaanut imaluunniit avatangiisinut sunniuteqassanngilaq.

7. EU-mi inatsisitigut tunngassuteqartut

Inatsisissatut siunnersuut EU-mi inatsisitigut tunngasunik isiginniffinnik imaqanngilaq.

8. Oqartussat suleqatigiiffiillu il.il. tusarniaaffigineqartut

Inatsisissatut siunnersuummut missingiut piffissami ullormit 4. juni 2024-imiit ullormut 2. juli 2024-imut oqartussaasunut suleqatigiiffinnullu il.il. tulluittunut nassiullugu tusarniutigineqarsimavoq:

Advokatrådet, Amnesty International, ASG (Ilinniagartuut Kattuffiat), Avannaata Kommunia, BankNordik, BDO, Danske Advokater, Dansk IT, Datatilsynet, Den Danske Dommerforening, Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik, Naalagaaffinnngornissamut Nunanullu allanut Naalakkersuisoqarfik, Aalisarnermut Piniarnermullu Naalakkersuisoqarfik, Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Peqqissutsimut Naalakkersuisoqarfik, Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik aamma Ineqarnermut Attaveqaasersuutinullu Naalakkersuisoqarfik, Meeqqanut Inuusuttunullu Naalakkersuisoqarfik, Det Kriminalpræventive Råd, Dommerfuldmægtigforeningen, Domstolsstyrelsen, Foreningen af Advokater og Advokatfuldmægtige, Naalakkersuisut Siulittaasuata Naalakkersuisoqarfia, Sulisitsisut, Nunatsinni Advokatit, GrønlandsBANKEN, Nunatta Eqqartuussisuuneqarfia, Grønlands Politiforening, Grønlands Revision, Inuit pisinnaatitaaffii pillugit Siunnersuisoqatigiit, IKIU Retshjælpen, INI A/S, Institut for Menneskerettigheder, Iserit A/S, Justitia, Kommune Qeqertalik, Kommuneqarfik Sermersooq, Kommune Kujalleq, Atuisartoqarnermut Unammilleqatigiinnermullu Aqutsisoqarfik, Eqqartuussisut peqatigiiffiat, Kriminalpolitisk Forening (KRIM), Nunatsinni Advokatit, NUSUKA, PiSiu (Kalaallit Nunaanni Pinerlutsaaliuinnermut Siunnersuisoqatigiit), Politiforbundet i Danmark, Retspolitisk Forening, Nunatsinni Eqqartuussivik, PWC Grønland, SFAI (Grønland Statsautoriserede Revisorer ApS), Sulinermik Inuussutissarsiateqartut Kattuffiat (SIK), Vestre Landsret, Østre Landsret aamma Qeqqata Kommunia

9. Immersugaq eqikkaaffiusoq

	Pitsaasumik sunniutissai/aningaasartuutikinnerunerit	Ajortumik sunniutissai/aningaasartuu-
--	---	--

	(angeruit, annertussusaa allaguk/Naaggaaruit allaguk »Soqanngilaq«)	teqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Soqanngilaq	Akiliisitsisarnermut eqqartuussivik ikiorsiullugu akiligassanik akiliisitsiniarnerit isumagineqarnissaannut it- atorlugu aaqqiissutip ineriartortinneqarneranut atortuulersinneqarneranullu atasumik 2025-imi eqqartuussivinnut 0,5 mio. kr.- inik aningaasartuuteqarnerunissaq kiisalu sulianik suliarinnittarnerup allanngortinneqarnerata kingunerisaanik, sulisut, ilaatigut Kalaallit Nunaanni najukkani eqqartuussivinniittut, piginnaasaasa ineriartortitsivigineqarnerannut pisariaqartinneqartumut 2025- imi 0,2-0,3 mio.kr.-it missaaniittunik aningaasartuuteqarnerunissaaq, inatsisissatut siunnersuutip kingunerissaa naatsorsuutigineqarpoq.
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Akiliisitsisarnermut eqqartuussivik ikiorsiullugu akiligassanik akiliisitsiniarnerit isumagineqarnissaannut it- atorlugu aaqqiissutip ineriartortinneqarnera atortuulersinneqarneralu

Inuussutissarsiortunut aningaasaqarnikkut kinguneri	Aningaasanik piumasaqaatinik annerpaamik 100.000 kr.-iusunik piumasaqaammut akerliliisoqarsimatinnagu akiliisitsiniarneq suliffeqarfinnut oqilisaataassaaq.	Soqanngilaq
Inuussutissarsiortunut allaffissornikkut kinguneri	Aningaasanik piumasaqaatinik annerpaamik 100.000 kr.-iusunik piumasaqaammut akerliliisoqarsimatinnagu akiliisitsiniarneq suliffeqarfinnut oqilisaataassaaq.	Soqanngilaq
Innuttaasunut allaffissornikkut kinguneri	Aningaasanik piumasaqaatinik annerpaamik 100.000 kr.-iusunik piumasaqaammut akerliliisoqarsimatinnagu akiliisitsiniarneq innuttaasunut oqilisaataassaaq.	Soqanngilaq
Silaannaap pissusaanut kinguneri	Soqanngilaq	Soqanngilaq
Avatangiisinut- pinngortitamullu kinguneri	Soqanngilaq	Soqanngilaq
EU-mi inatsisitigut tunngassuteqartut	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	
EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq (EU-mi inuussutissarsiornermut tunngassuteqanngitsunik malittarisassiornermi naleqquttumik annertussusilimmik	Aap Naagga X	

atortuulersitsinermi aamma atuuttoq) (X-ileruk)	
---	--

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Nr. 1-imut

Eqqartuussisarnermik inatsimmi inuit sakkutuujunngitsut pillugit suliat suliarineqartarnerat pillugu immikkoortoq III-mi akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu *kapitali* 22 nutaaq ilanngunneqassasoq siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniartarneq pillugu malittarisassat akiligassaqarfimmut neqeroorutaavoq, piumasaqaatillu naammassineqarsimatillugit atorineqarsinnaalluni. Naak akiliisitsiniartarfik ikiorsiullugu akiligassanik akiliisitsinerup tunniunneqarnissaanut piumasaqaatit naammassineqaraluartut, akiligassaqarfiup qinigassatut allatut nalinginnaasumik eqqartuussivimmi suliassamik aallaartitsinissaq toqqarsinnaavaa.

Inatsisissatut siunnersuummi nalinginnaasumik oqaaseqaatini imm. 2 nalinginnaasumik innersuussutigineqarpoq.

(§ 263-imut)

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu kapitali 22-ip atuuffissaa § 263-itut siunnersuutigineqartumi pineqarpoq.

Akiligassallip piumasaqaammut akerlilinnginnissaa imaluunniit illuatungaaniit piumasaqaammik piumasaqaateqarnissaa akiligassaqarfiup ilimaginngippagu, aningaasanik piumasaqaatit annerpaamik 100.000 kr.-iusut akilerneqareersimasussaagaluit, akiliisitsiniutigineqarnissaat kapitalimi matumani malittarisassani § 263, imm. 1-imi

siunnersuutigineqarpoq. Piumasaqaatip nalingata naatsorsorneqarnerani erniat aningaasartuutillu ilaatinneqanngillat.

Eqqartuussisarnermik inatsimmi § 1 malillugu, akiliisitsiniarnermut eqqartuussivik ikiorsiullugu akiligassanik akiliisitsineq pillugu malittarisassat, sulianut eqqartuussiviit nalinginnaasut ataaniittunut tamanut atorneqarsinnaapput.

Aningaasanik piumasaqaatit akilereerneqareersimasussaagaluit uani pineqassapput. Piumasaqaammut suna tunngaviunersoq apeqqutaanngilaq, assersuutigalugu isumaqatigiissutaanersut, ajoqutaasumik iliuseqarnerunersut imaluunniit pisortat pillugit inatsiseqartitsinermit tunngasumik pisussaaffiunersut apeqqutaanngilaq. Kisianni piumasaqaat akilereerneqareersimasussaagaluartuussaaq aamma nalilimmik illuatungiliinertaqassanani.

Piumasaqaat annerpaamik 100.000 kr.-iussaaq. Uani erniat aningaasartuutillu naatsorsuinermit ilaatinneqassanngillat. Taarsigassarsiat atsiorneqarnerminni angissusaasa, akiliisitsiniarnermut eqqartuussivik ikiorsiullugu akiligassanik akiliisitsiniarnermit pineqartumi erniat pineqarnerat uani isiginiarneqarput. Akiliinissamik piumasaqaat taamaallaat ernianik aningaasartaqarpat – assersuutigalugu taarsigassarsiat atsiorneqarnerminni angissusaat akilereerneqarsimammat, imaluunniit taarsigassarsiat atsiorneqarnerminni angissusaat pillugu immikkut ittumik inatsisitigut tunngavissaqareerpat, aamma kingusinnerusukkut erniassat akilereqarnissaasa pisoqalisoorinissaat unitsinniarlugu, akiliisitsiniarnermut eqqartuussivik ikiorsiullugu akiligassanik akiliisitsiniarneq tunniunneqarpat – taamaattoq erniat ilaatinneqassapput aamma annerpaamik 100.000 kr.-iussallutik. Tassunga atatillugu eqqartuussiviit peqataatinngit akiligassanik akiliisitsiniarnermit aningaasartuutit aamma eqqartuussivimmi suliarineqarnerani suliamut aningaasartuutit aningaasartuutitut ilaatinneqarput. Aningaasat, erniat aningaasartuutillu ilanngunnagit, aningaasat amerlassusiisa 100.000 kr.-it qaangerpatigit, akiliisitsiniarnermut eqqartuussivik ikiorsiullugu akiligassanik akiliisitsiniarneq itigartinneqassaaq.

Piumasaqaatit assigiinngitsut pillugit akiligassaqarfik akiliisitsiniarnermut eqqartuussivik ikiorsiullugu akiligassanik akiliisitsiniarnermit assigiinngitsunik tunniussisinnaanera akornutissaqanngilaq, taakku tamarmik immikkut 100.000 kr.-it qaangissanngilaat. Taamaattoqassappat

akiliisitsiniarnermut eqqartuussivik ikiorsiullugu akiligassanik akiliisitsiniarnermut tamanut immikkut akitsuutit, eqqartuussiviit naalagaaffik sinnerlugu akileqqutittagaat, akilerneqassapput, tassami taakku piumasaqaatit assigiinngitsut pillugit eqqartuussivimmut sassaqqusissutit arlallit tunniunneqarnerisa assigimmasuk.

Akiligassaqaarfiup akiliisitsiniarnermut eqqartuussivik ikiorsiullugu akiligassanik akiliisitsiniarnermi tassani piumasaqaatinik arlalinnik ilanngussisinnaanera aammattaaq akornutissaqanngilaq, taakkulu tamarmik ataatsimut 100.000 kr.-it qaangissanngilaat, aamma taava taamaallaat akitsuut, eqqartuussiviit naalagaaffik sinnerlugu akileqqutittagaat, ataaseq taamaallaat akilerneqassaaq. Kisianni akiligassaqaarfik tamakkiisuunngitsumik isumaqatigineqarsinnaanngilaq. Suliap saqqummiunneqarnerani piumasaqaat ataatsimoortoq tunngavissaqartutut eqqartuussiviup isigisinnaavaa, imaluunniit piffissaliussap eqqartuussivimmit aalajangerneqartup naannginnerani akiliisitsiniarnermut eqqartuussivik ikiorlugu akiligassanik akiliisitsiniarneq akiligassaqaarfiup iluarsinngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq tamaat itigartinneqassaaq. Taamatuttaaq akiligassallit ataasiakkaat akerliliisinaapput imaluunniit akerliliisanngillat. Akiligassalik, erseqqissumik piumasaqaatip ilaanut killilerneqartumik, akerliliisummik saqqummiussippat, akiligassalimmut tassunga tunngatillugu akiliisitsiniarnermut eqqartuussivik ikiorsiullugu akiligassanik akiliisitsiniarnerup ilaanut, akiligassallip akerliliinermik saqqummiussisimannginnera pillugu oqaaseqaatitalerneqassaaq.

Akiligassallip piumasaqaammut akerliliinnnginnissaa imaluunniit illuatungaaniit piumasaqaateqannginnissaa akiligassaqaarfiup naatsorsuutigissanngikkaa, naggataagut piumasaqaataavoq.

Akiliisitsiniarnermut eqqartuussivik ikiorsiullugu akiligassanik akiliisitsinermi tassani, akiligassallit arlallit taaneqarsimappata, akiligassalinnut tamanut immikkut §§ 263 d-miit 263 g ilanngullugu malittarisassat atorneqassasut, § 263, imm. 2-mi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermi akiligassallit arlallit taaneqarsimappata, akiligassalinnut tamanut immikkut eqqartuussisarnermik inatsimmi §§ 263 d-miit 263 g ilanngullugu siunnersuutigineqartut atorneqarnissaat, siunnersuutip

kinguneraa. Kisianni akiliisitsiniarnermut eqqartuussivik ikiorsiullugu akiligassanik akiliisitsiniarnermi akiligassallit arlallit taaneqarsimanerat apequtaatinngu, akiliisitsiniarnermut eqqartuussivik ikiorsiullugu akiligassanik akiliisitsiniarnermi § 263, imm. 1, aamma §§ 263 a-miit 263 c ilanngullugu malittarisassatut siunnersuutigineqartut ataatsimoortillugit atorneqassapput. Akiliisitsiniarnermut eqqartuussivik ikiorsiullugu akiligassanik akiliisitsiniarnermi tassani akiligassallit arlallit taaneqarsimatillugit, aalajangersakkat taaneqartut tamarmik immikkut atorneqarnissaat pillugit erseqqinnerusumik tulliuttuni nassuiaatigineqassapput.

Soorlu qulaani aamma taaneqartutut, akiligassallit tamaasa pillugit aningaasanik piumasagaatit akilerneqareersimasussaagaluit akiliisitsissutiginiarneqarnerat pineqassasoq, akiliisitsiniarnermut eqqartuussivik ikiorsiullugu akiligassanik akiliisitsiniarnermi ataatsimi annerpaamik (erniat aningaasartuutillugu ilanngunnagit) katillugit 100.000 kr.-it akiliisitsiniutigineqassasut, aamma akiligassallit taakku piumasagaammut akerlilinnginnissaat imaluunniit illuatungaaniit piumasagaateqannginnissaat akiligassa qarfiup naatsorsuutigissagaa, akiliisitsiniarnermut eqqartuussivik ikiorsiullugu akiligassanik akiliisitsiniarnermut tamakkiisumut, § 263, imm. 1-itut siunnersuutigineqartup atorneqartussaanerata kinguneraa. Assersuutigalugu akiligassalinnut marlunnut assigiimmik pisussaafeqarlutik akisussaafeqartunut 100.000 kr.-inik akileeqqullugit, imaluunniit akiligassallit marluk tamarmik immikkut 50.000 kr.-inik akiliinissaat pillugit piumasagaammik saqqummiussisoqarsinnaanera, aningaasat amerlassusiisa qaffasinnerpaaffissaata 100.000 kr.-iusup (erniat aningaasartuutillu ilanngunnagit), kinguneraa. Kisianni akiliisitsiniarnermut eqqartuussivik ikiorsiullugu akiligassanik akiliisitsiniarnermi ataatsimi assersuutigalugu akiligassallit marluk tamarmik immikkut 60.000 kr.-inik akiliinissaat pillugit piumasagaammik saqqummiussisoqarsinnaanngilaq.

Akiligassalinnut tamanut tunngatillugu, § 263 a-tut siunnersuutigineqartumi malittarisassat akiliisitsiniarnermut eqqartuussivik ikiorlugu akiligassanik akiliisitsinermut tamarmiusumut atorneqarnissaasa, ilaatigut Kalaallit Nunaanni piumasagatinik tamarmik suliarinniffiusinnaasumik eqqartuussiveqarnissaa, kinguneraat. Akiligassanik akileeqqusissutip eqqartuussivimmut tunniunneqannginnerani, akiligassalimmut akileeqqusisummik nassiussisoqarsimanissaa, § 263 a, imm. 2-mi

piumasaqaat, akiligassalinnut tamanut tunngatillugu aamma naammassineqarsimassaaq.

Akiligassalinnut tamanut tunngatillugu, § 263, imm. 1-imi, aamma §§ 263 a-miit § 263 b ilanngullugu piumasaqaatit akiliisitsiniarnermut eqqartuussivik ikiorsiullugu akiligassanik akiliisitsiniarnerup naammassinngippagu, § 263 c malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq tamarmiusoq itigartinneqassaaq. § 263 c, imm.1-imi oqaaseqatigiit aappaattut siunnersuut malillugu, akiligassalik ataaseq arlallilluunniit pineqartillugit, akiligassaqarfiup piumasaqaataa suliap saqqummiunneqarnerani tunngavissaqartinneqanngippata, tamanna aamma atuuppoq. Akiligassallit ilaat pillugit, taamaallaat § 263 c-tut siunnersuutigineqartoq malillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq itigartitsissutigineqarsinnaanngilaq. Kisianni § 263 c, imm. 2-tut siunnersuutigineqartoq malillugu amigaatigineqartut iluarsineqarnissaannut eqqartuussiviup akiligassaqarfik piffissalersinnaavaa, aamma iluarsiniaaneq tassaasinnaavoq, akiligassaqarfiup akiligassallit ilaasa akiliisitsiniarnermut eqqartuussivik ikiorsiullugu akiligassanik akiliisitsiniarnermi peersinera.

Taaneqareersutut §§ 263 d-miit 263 g ilanngullugu malittarisassatut siunnersuutigineqartut akiligassalinnut tamanut immikkut atorneqassapput. Taamaalilluni eqqartuussisarnermik inatsimmi § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tiguisinnaannginneq pissutigalugu, aamma taamaattoqassappat akiligassaqarfiup nalunaarutiginninnissap mininneqarnissaa noqqaassutigisimappagu, § 263 d, imm. 1 malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu nalunaarutiginninneq mininneqassanersoq, akiligassalinnut tamanut immikkut aalajangiiffigineqassaaq.

§ 263 e-tut siunnersuutigineqartoq malillugu piumasaqaammut akerliliinissamut piffissaliussaq, akiligassalinnut tamanut immikkut akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarneranit akiligassalimmut pineqartumut naatsorsorneqassaaq. § 263 f, imm. 1-imi oqaaseqatigiittut siullertut siunnersuutigineqartut malillugit, piffissaq eqqorlugu akerliusoqarsimannginnera pillugu oqaaseqaat, akiligassalinnut

piffissaliunneqartup iluani akerliliisimanngitsunut, akiligassalinnut pineqartunut immikkut tunniunneqassaaq, aamma taamaattoqassappat akiligassallip pigisaanik tigusineq, § 263 f, imm. 1-imi oqaaaseqatigiit aappaattut siunnersuutigineqartoq malillugu, akiligassalinnut taakkununga tunngatillugu aallartinneqassaaq.

Qaqugukkut akiliisitsiniarnermut eqqartuussivik ikiorsiullugu akiligassanik akiliisitsiniarneq, akiligassallip pineqartup piffissaq eqqorlugu akerliliissummik saqqummiussiffigisaa pillugu akiliisitsiniarnermut eqqartuussivik ikiorsiullugu akiligassanik akiliisitsiniarneq qaqugukkut oqaaaseqaatitalerneqarsimanera pillugu, § 263 f, imm. 3-tut siunnersuutigineqartoq malillugu suliareqqitassanngortitsinermit piffissaliussaq, aamma akiligassalinnut tamanut immikkut naatsorsorneqassaaq, aamma taamaattoqassappat akiligassalinnut tamanna pillugu noqqaassuteqarsimasunut taamaallaat suliaq suliareqqitassanngortinneqassaaq. Taamatuttaaq akiligassalinnut tamanut immikkut, piffissaq eqqorlugu akerliliissuteqartunut, imaluunniit suliassaataannut suliareqqitassanngortinneqartunut, § 477 g-tut siunnersuutigineqartoq malillugu suliaq siumut ingerlanneqassaaq.

Akiligassallip akerliliinini saqqummiutinngippagu nutaamik noqqaassuteqarani akiligassallip pigisaanik tigusineq aallartinneqassasoq, akiligassaqarfiup noqqaassutigisimappagu, aamma akiligassalik akerliliisimatillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu suliassap eqqartuussivimmi aallartinneqarnissaa noqqaassutigisimappagu, akiligassalimmut ataatsimut arlalinnnulluunniit tunngatillugu, eqqartuussivimmi suliamik sularinninnerup aallartinneqarnerata peqatigisaanik akiligassallip pigisaanik tigusineq aallartinneqassasoq, akiligassalimmut ataatsimut arlalinnnulluunniit tunngatillugu pisinnaasoq, taaneqartut malitsigaat.

(§ 263 a-mut)

Akiliisitsiniarnermut eqqartuussivik ikiorsiullugu akiligassanik akiliisitsiniarnikkut suliassap aallartinneranut aamma taamaaliornissamut piumasaqaatinut § 263 a-tut siunnersuutigineqartoq tunngassuteqarpoq.

Akiliisitsiniarneq akiliisitsiniarnermut eqqartuussivik ikiorsiullugu akiligassanik akiliisitsiniarnermik Nunatsinni Eqqartuussivimmut

tunniussinikkut aallartinneqassasoq § 263 a, imm. 1-imi siunnersuutigineqarpoq.

Eqqartuussivimmut akiliisitsiniarnermut eqqartuussivik ikiorsiullugu akiligassanik akiliisitsiniarnermik tunniussineq eqqartuussisutigoortitsinikkut alloriarneruvoq, taassumalu inatsimmi 1908-meersumi § 2-mi oqaaseqatigiit aappaat malillugu pisoqalisootitsineq unitsittarpaa.

Eqqartuussisarnermik inatsimmi kapitali 17-imi malittarisassat nalinginnaasut malillugit, eqqartuussiviup piumasaqaatinik tamarmik suliarinniffiusinnaasup Kalaallit Nunaanniinnissaa piumasaqaataavoq.

§ 263 b, imm. 2, nr. 2 malillugu akiligassaqaarfiup akiligassallip pigisaanik tigusineq nutaamik noqqaassuteqarnani aallartinneqassasoq noqqaassutigippagu, § 601, imm. 1 aamma imm. 2-mi oqaaseqatigiit siulliit malillugit eqqartuussiviup piumasaqaatinik tamanik suliarinnissinnaasup Kalaallit Nunaanniinnissaa piumasaqaataassasoq, § 263 a, imm. 2-mi siunnersuutigineqarpoq.

Pisuni akiligassaqaarfiup pinngitsaaliinikkut naammassinninnissamut tunngavissap pilersinneqarnissaa taamaallaat noqqaassutigippagu, inuit sakkutuujunngitsut pillugit eqqartuussivimmi suliat pillugit eqqartuussisarnermik inatsimmi kapitali 17 taamaallaat atuutissasoq, tamatuma kinguneraa.

Pisuni akiligassaqaarfiup nutaamik noqqaassuteqarani akiligassallip pigisaanik tigusinissaq kissaatigippagu, kisianni aammattaaq eqqartuussisarnermik inatsimmi § 601, imm. 1 aamma imm. 2-mi oqaaseqatigiit siulliit malillugit eqqartuussivik piumasaqaatinik tamanik suliarinnissinnaasooq Kalaallit Nunaanniissaaq, taannalu akiligassallip pigisaanik tigusisoqartillugu eqqartuussivik piumasaqaatinik tamanik suliarinniffiusinnaasooq pillugu malittarisassanik nalinginnaasunik imaqarpoq. Kapitali 17 aamma § 601, imm. 1 aamma imm. 2-mi oqaaseqatigiit siulliit malillugit eqqartuussivik piumasaqaatinik tamanik suliarinniffiusinnaasooq Kalaallit Nunaanniippat, akiliisitsiniarnermut eqqartuussivik ikiorsiullugu akiligassanik akiliisitsiniarneq taamaalilluni pisuni taakkunani taamaallaat Nunatsinni Eqqartuussivimmut tunniunneqarsinnaavoq.

Matumuuna § 263 c-tut siunnersuutigineqartoq malillugu suliamut eqqartuussivimmik piumasaqaatinik tamanik suliarinniffiusinnaasumik Kalaallit Nunaanni peqarnersoq Nunatsinni Eqqartuussiviup nammineq suliniuteqarnermigut nakkutigissavaa. Kalaallit Nunaanni eqqartuussivimmik piumasaqaatinik tamanik suliarinniffiusinnaasumik peqanngippat, taamatuttaaq § 263 c-tut siunnersuutigineqartoq malillugu suliaq itigartinneqassaaq.

Aalajangersakkat taakku eqqortinneqarnerisa, taamaaliortoqanngippat akiligassarineqartut pisassarisat akilinngitsoorneqarnissaannik ilimanartorujussuarmik aarlerinaammik kinguneqassanngippata, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmut tunniunneqannginnerani, akiligassanik akileeqqusissutip, immi. 4-imi aamma 5-imi piumasaqaatinik naammassinnittup akiligassalimmut nassiunneqarsimanissaa, aamma piffissaliussap imm. 5-imi taaneqartup naasimanissaa, § 263 a, imm. 3-mi siunnersuutigineqarpoq.

Akiligassanik akileeqqusissummi paasissutissat tamarmiusut, pisassarisap akiligassalimmit nalilersorneqarnissaanut pisariaqartinneqartut, erseqqissumik taaneqassasut, § 263 a, imm. 4-mi sinnersuutigineqarpoq.

Piffissap sorliup iluani, akiligassalimmut aningaasartuutininik akiligassat annertusineqarnissaannut iliuuseqarfiusussaannngitsup, akiligassallip pissarisamik naammassillugu akiliiffigisinnaasaa, akiligassanik akileeqqusissummi taaneqassasoq, § 263 a, imm. 5-imi siunnersuutigineqarpoq. Akiligassanik akileeqqusissutip nassiunneqarneranit, ullunik minnerpaamik 14-inik piffissaliussaq sivilissuseqassaaq.

Akiligassalimmut akiligassanik akileeqqusissummik, ilaatigut akiligassallip akiliinissamik piumasaqaatit saqqummiunneqartut suussusersinissaannut, ilaatigullu inatsisinut naapertuunnersoq pillugu nalilersuinissaanut, matumani piumasaqaatip naatsorsorneqarnera ilanngullugu, nassiussisoqareersimappat, akiliisitsiniarnermut eqqartuussivik ikiorsiullugu akiligassanik akiliisitsiniarneq, eqqartuussivimmut nassiunneqarsinnaassasoq, § 263 a, imm. 3-miit 5 ilanngullugu siunnersuutigineqartut kinguneraat.

Akiligassa qarfiup akiligassallillu atii najugaallu tamatigut taaneqassapput. Aammattaaq pissutsit, piumasaqaammut tapersiissutaasut, matumani taamaattoqarpat isumaqatigiissutip qanoq ililluni naammassinngitsoorneqarsimanera ilanngullugu, pillugit akiligassanik akileeqqusissut paasissutissanik eqqortunik imaqaassaaq.

Tamatuma saniatigut piumasaqaat taarsigassarsiat atsiorneqarnerminni angissusaannut ernianullu erseqqissaavigineqassaaq. Akiligassa qarfimmu tassunga piumasaqaat akiligassanik assigiinngitsunik arlalinnik ima qarpat, pissutsit tamarmik immikkut suliarineqassapput. Aammattaaq erniat naatsorsorneqarnerannut tunngavigisaq taaneqassaaq. Taamaalilluni erniarititat atorneqartut paasissutissiissutigineqassapput, aamma ullormit sorlermit erniat naatsorsorneqarnermut, ilaatigut taamaalilluni ernianik pisoqalisoorunik akileeqqusisoqannginnissaa akiligassallip nakkutigisinnaaniassammagu. Taaneqartut akiliinngitsoornermi pillaatitut erniarititanut aamma akiligassarsinermit erniarititanut atuupput. Erniat ilanngussat pineqartillugit, erniat aningaasartaasa amerlassusaat, akiligassallip akiligassai, paasissutissiissutigineqassapput. Taamaattoqassappat siunissami erniat pillugit paasissutissat, erniarititat taanerisigut pisinnaavoq.

Akiligassanik akiliisitsiniarnermit aningaasartuutit eqqarsaatigalugit, sapinngisamik akiligassallip aningaasartuutit akilersinnaasai pillugit aningaasat amerlassusaat paasissutissiissutigineqassapput, matumani aningaasartuutit aningaasartuutaareersimasut pillugit.

Akiligassallip suli allanik aningaasartuutini ilanngussinissamik iliuuseqarfigineqarani, pisassarisat naammassillugit akiligassallip akiliinissaanut, akiligassanik akileeqqusissummi aammattaaq minnerpaamik ullunik 14-inik piffissaliussaq taaneqassaaq. Piffissaliussaq ullunik 14-inik sivilissuseqartoq, akiligassanik akileeqqusissummi taaneqartoq, naappat, piffissallu naanerani akiligassalik akiliisimanngippat, akiliisitsiniarnermut eqqartuussivik ikiorsiullugu akiligassanik akileeqqusissut taamaalilluni aatsaat eqqartuussivimmut tunniunneqarsinnaavoq. Ullut naallugit taamaallaat naatsorsuutigineqarput, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq taamaalilluni piffissaliussap ullunik 14-inik sivilissuseqartup naanera kingorna aqaguani siusinnerpaamik eqqartuussivimmut tunniunneqarsinnaavoq.

Taamaattoq pissarisat akiliisitsiniutigineqarsinnaajunnaarnissaat ilimanartorujussuarmik aarlerinaateqarpat, akiliisitsiniarnermut eqqartuussivik ikiorsiullugu akiligassanik akiliisitsiniarneq piffissaliussap ullunik 14-inik sivilissuseqartup naanissaa utaqeqqaarnagu tunniunneqarsinnaavoq. Ingammik pisuni, piumasaqaatip pisoqalisoonnissaa pinngitsoortinniarlugu, piffissaliussap naannginnerani eqqartuussisutigoortumik alloriarnissamik suliaqarnissaq pisariaqarpat, tamanna pisinnaavoq.

§ 263 a, imm. 3-miit 5 ilanngullugu piumasaqaatit naammassineqarsimaneri Nunatsinni Eqqartuussiviup nammeneq suliniuteqarnermigut nakkutigissavaa, aamma § 263 c-tut siunnersuutigineqartoq malillugu naammassineqarsimanngippata suliaq itigartissallugu. Akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu eqqartuussivimmit erseqqinnerusumik suliarinninneq pissaaq, taamaalilluni akiligassalimmut akiligassanik akileeqqusissummik nassiussinerup naammassineqarsimanerata paasinissaanut pisariaqartunik paasissutissanik imaqassalluni. Taamaattoq § 263 c, imm. 2-mi malittarisassatut siunnersuutigineqartoq malillugu, akiliisitsiniarnermut eqqartuussivik ikiorsiullugu akiliisitsiniarneq amigaateqarpat, amigaataasut ikiorserneqarnissaanut akiligassaqaarfik piffissalersinnaassavaa.

Kisianni eqqartuussiviup akiligassanik akileeqqusissutip imaanik nakkutiginissinnaanngorlugu, sioqqutsisumik akiligassalimmut akiligassanik akileeqqusissut akiligassaqaarfiup akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassaqaarfiup ima peqqissartigisumik allaaserinninnissaa piumasaqaataanngilaq. Ullormi erseqqinnerusumik taaneqartumi akiligassalimmut akiligassanik akileeqqusissummi aningaasat ima amerlatigisut, akiliisitsiniarnermi eqqartuussivik ikiorsiullugu akiligassanik akiliisitsiniarnermi taaneqartut, akileqquneqarnerisa nassiunneqarsimanera, akiliisitsiniarnermut eqqartuussivik ikiorsiullugu akiligassanik akiliisitsiniarnermi akiligassaqaarfiup taappagit naammassaaq. Akiliisitsiniarnermut eqqartuussivik ikiorsiullugu akiligassanik akiliisitsiniarnermi piumasaqaatit arlallit ataatsimoortinneqarsimappata, piumasaqaatini ilaatinneqartut tamarmik immikkut ullulersorneqarnissaat amma aningaasat amerlassusaat akiligassaqaarfimmit paasissutissiissutigineqarnissaat pisariaqarsinnaavoq.

(§ 263 b-imut)

Akiliisitsiniarnermut eqqartuussivik ikiorsiullugu akiligassanik akiliisitsiniarnerup imarisassaanut piumasqaatinut § 263 b-tut siunnersuutigineqartoq tunngassuteqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermi paasissutissat tulluuttut imaritinneqassasut, 1) akuusut atii najugaallu, matumani najugaq, tassunga akiligassaqaarfimmut nalunaarutit nassiunneqarsinnaallutik, 2) akiligassaqaarfiup piumasqaataa aamma 3) akiligassaqaarfiup piumasqaataanut tunngaviusut allaaserineqarnerat, § 263 b, imm. 1-imi siunnersuutigineqarpoq.

Eqqartuussisarnermik inatsimmi § 217, imm. 2 malillugu, eqqartuussivimmut saqqummiussissutitut piumasqaatit ilaat, piumasqaatit assigaat.

Kisianni akiliisitsiniartarnermut eqqartuussivik ikiorsiullugu akiligassanik akiliisitsiniarnermi akiligassaqaarfiup piumasqaataanut tunngaviusut naatsumik allaaserineqarnerannik imaqaarnera naammassaaq.

Uppernarsaatit attuumassuteqartut taaneqarnissaat piumasqaataanngilaq, aamma piumasqaammut uppersaammik ilanngussatut ilanngussisoqassanngilaq.

Imm. 1-imi piumasqaatit naammassineqarsimanerat Nunatsinni Eqqartuussiviup nammineq suliniuteqarnermigut nakkutigissavaa, aamma § 263 c-tut siunnersuutigineqartoq malillugu taamaanngippat, suliaq itigartissallugu. Taamaattoq § 263 c, imm. 2-mi malittarisassatut siunnersuutigineqartoq malillugu, akiliisitsiniarnermut eqqartuussivik ikiorsiullugu akiliisitsiniarneq amigaateqarpat, amigaataasut ikiorserneqarnissaanut akiligassaqaarfik piffissalersinnaassavaa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq aammattaaq paasissutissat tulluuttut pillugit imaqaassasq, 1) § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31, 171 imaluunniit § 207, imm. 1 malillugit akiligassallip pigisaanik tigusisoqarsinnaanngippat, akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassalimmut nalunaarutiginnittoqarnissaa akiligassaqaarfiup kissaatigineraa, 2)

akiligassalik akerliliissanngippat, akiligassallip pigisaanik tigusinissaq akiligassaqaarfimmit nutaamik noqqaassuteqaqqaarnani aallartinneqassanersoq, akiligassaqaarfiup kissaatigineraa, aamma 3) akiligassalik akerliliippat, akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu eqqartuussivimmi suliasamik suliarinninneq aallartinneqarnissaa, akiligassaqaarfiup kissaatigineqarneraa, § 263 b, imm. 2-mi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup suliarineqarnissaanut akiligassaqaarfiup qinigassatut periarfissai § 263 b, imm. 2-mi taagorneqarput.

Eqqartuussisarnermik inatsimmi eqqissisimatitsinissaq pillugu malittarisassap § 603, imm. 1-p malitsigisaanik, imaluunniit akilersuineramik unitsitsineq, akiliisinnaajunnaarneq, pinngitsaaliinikkut qanoq akiliinissamik isumaqatigiissusiornissap ammarneqarnera aamma akiitsunik isumakkeerinninnissamik suliap aallartinneqarnissaa pillugu nalunaarutigineqarsimasut pillugit, akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tiguisoqarnissaa periarfissaanngippat, suliap naammassineqarnissaa aamma akiliisitsiniarnermut eqqartuussivik ikiorsiullugu akiligassanik akiliisitsiniarneq utertillugu nassiunneqassasoq, akiligassaqaarfiup siullertut noqqaassutigisinnaassavaa.

Taamaattoqassappat eqqartuussisarnermik inatsimmi § 708, imm. 2-tut siunnersuutigineqartoq, inatsisissatut siunnersuummi § 1, nr. 8-tut oqaasertalerneqartoq, malillugu akitsuut eqqartuussiviit naalagaaffik sinnerlugu akileqqutittagaat utertinneqassaaq.

Akiligassalik akerliliissutininik saqqummiussinngippat, akiligassaqaarfik aappaattut marlunnik qinigassaqaassaaq. Akiliisitsiniarnermut eqqartuussivik ikiorsiullugu akiligassanik akiliisitsiniarnermut takussutissiap, akiligassallip piffissaq eqqorlugu akerliliissutininik saqqummiussisimannginneranik eqqartuussivimmit oqaasertalerneqartoq, akiligassaqaarfiup toqqaannarsinnaavaa. Akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatitalik § 263, f, imm. 2-tut siunnersuutigineqartoq malillugu suliamut unioqqutinneqartussaannngitsumik aalajangiinertut isigineqassaaq, aamma kingusinnerusukkut eqqartuussisarnermik inatsimmi § 598, imm. 1, nr. 1,

inatsisissatut siunnersuummi § 1, nr. 2-mi oqaasertalerneqartoq, malillugu pinngitsaaliinikkut naammassinninniaanermut atorneqarsinnaassalluni.

Allatut qinigassatut akiligassaqaarfiup tamanna pillugu noqqaassuteqaqqaarani akiligassallip pigisaanik tigusinissap suliarineqarnissaa toqqarsinnaavaa. Akiligassalik akerliliissutininik saqqummiussinngippat, akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarnera, taamaattoqarpat akiligassalimmut akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu nalunaarutiginninnissamik noqqaassuteqarnertut aamma tamatuma kingorna pinngitsaaliinikkut naammassinninniaanissamut noqqaassuteqarnertut atorneqarsinnaavoq.

Naggataagut akiligassalik akerliliissutininik saqqummiussippat, akiligassaqaarfigik assigisaanik marlunnik toqqaanissaminut periarfissaqaarpoq: akiliisitsiniarnermut eqqartuussivik ikiorsiullugu akiligassanik akiliisitsiniarneq utertissinnaavaa imaluunniit suliap inuit sakkutuujunngitsut pillugit suliassatut eqqartuussivimmi ingerlateqqissinnaavaa, taamaalilluni akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmut sassaqqusissummut taarsiutaassalluni.

Suliap suliarineqarnissaa eqqarsaatigalugu, akiligassaqaarfiup immikkoortut taakku pingasut pillugit toqqaanini akiliisitsiniarnermut eqqartuussivik ikiorsiullugu akiligassanik akiliisitsiniarnermi taassavai. Tamanna imm. 3 pillugu ataani allaaserisat malillugit, ajornaatsumik immersugassami tamanut atugassiami nalunaaqutsiinikkut pisinnaassaaq.

§ 263 c-tut siunnersuutigineqartoq malillugu, akiligassaqaarfiup toqqaanini nalunaarutigisimanngippagu, suliaq taamaammat itigartinneqassaaq. Taamaattoq § 263 c, imm. 2-mi malittarisassatut siunnersuutigineqartoq malillugu, akiligassaqaarfik amigaatit iluarsineqarnissaannut piffissalerneqarnissaa nalinginnaasumik pissusissamisuussaaq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu Domstolsstyrelse malittarisassanik erseqqinnerusunik aalajangersaasinnaasoq, matumani immersugassat immikkut ittut atorneqarneqarnissaat aamma akiliisitsiniarnermut eqqartuussivik ikiorsiullugu akiligassanik akiliisitsiniarnerup assilillugu

sanaqqinneqarnerata tunniunneqarnissaa ilanngullugit, § 263 b, *imm. 3-mi* siunnersuutigineqarpoq.

Danmarki pineqartillugu Domstolstyrelse-p nalunaarutaa nr. 352, 7. april 2015-imeersoq innersuussutigineqarpoq.

Kalaallit Nunaanni immersugassap assigisaa aamma kalaallisut ilusilersorneqarsinnaammat, maluginiarneqassaaq, oqaatsitigut marloqiusatut kalaallisut/qallunaatut immersugassaq iluseqarsinnaavoq imaluunniit immersugassaq kalaallisuunngortillugu qallunaatuunngortillugulu ilusilerneqarsinnaavoq.

Nunatsinni Eqqartuussivik immersugassanik immersorneqarnissaat pillugu ilitersuissasoq § 263 b, *imm. 4-mi* siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu immersugassap qanoq immersorneqarnissaa eqqarsaatigalugu, akiligassaqarfik Nunatsinni Eqqartuussivimmit ilitersorneqarsinnaanera, tamatuma kinguneraa.

(§ 263 c-mut)

Akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmit aallarnersaataasumik nakkutigininnera pillugu malittarisassanik § 263 c-tut siunnersuutigineqartoq imaqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq §§ 263-imiit 263 b ilanngullugu piumasaqaatinik naammassinninngippat, aalajangiinikkut suliaq itigartinneqassasoq, itigartitsinerlu akiligassaqarfimmut nalunaarutigineqassasoq, § 263 c, *imm. 1-mi* siunnersuutigineqarpoq. Suliap saqqummiunneqarnerani akiligassaqarfiup piumasaqaatai tunngavilersorneqanngitsutut isigineqarpata, tamanna aamma atuuppoq. Akiligassaqarfiup noqqaassuteqarneratigut aalajangiineq tunngavilersorneqassaaq.

Aallaaviatigut akiligassallip akerliliinnginnissaa naatsorsuutigineqarpoq, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmit nalunaarutigineqartoq, taamaammat siunnersuummi § 263 f malillugu akerliliissutininik saqqummiussinissamut

piffissaliussap naanerani, pisarnertut automatiskiusumik suliamut unioqqutinneqartussaanngitsumik aalajangiinertut isigineqassalluni.

Akiligassallip inatsisitigut isumannaatsuunissaa eqqarsaatigalugu, taamaammat § 263 c, imm. 1-imi oqaaseqatigiittut siullertut siunnersuutigineqartoq malillugu, suliap § 263-itut siunnersuutigineqartumi ilaanissaa, aamma akiliisitsiniarnermut eqqartuussivik ikiorsiullugu akiligassanik akiliisitsiniarnerup §§ 263 a-mi aamma 263 b-mi piumasaqaatinik naammassinnissimanissaa, eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarnermik nalunaarutiginninnissaanut piumasaqaataavoq. Imm. 2-tut siunnersuutigineqartoq pillugu ataani allaaserisat malillugit, akiligassaqarfik amigaateqartoqarpat amigaatit iluarsinissaannut eqqartuussiviup piffissalersinnaavaa, kisianni amigaatit taamaattut iluarsineqanngippata, suliaq itigartinneqassaaq.

Eqqartuussivimmut sassaqqusissutitut akiligassanik akileeqqusissut amigaatilik nalunaarutiginnissutigineqarsinnaanngilaq, taannali taamaattoq suliap suliarineqarnissaanut tunngaviliisinnaavoq. Suliassanngortitaq akinngippat, eqqartuussivimmut sassaqqusinnermi najuutinngitsoornermi eqqartuussummik eqqartuussisoqarsinnaanersoq pillugu isummertoqarsimannginneranik, tamanna ilaatigut pissuteqarpoq. Taassuma akerlianik akiligassalik akerliliinngippat, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaa pillugu aalajangiineq, piumasaqaatip suliamut unioqqutinneqartussaanngitsumik aalajangiinertut isigineqarnera aamma pinngitsaaliinikkut naammassineqarsinnaanera inaarutaasumik akerlilerpaa.

Taamaammat § 263 c, imm. 1-imi oqaaseqatigiit aappaattut siunnersuutigineqartoq malillugu, akiligassaqarfiup piumasaqaataa, suliap saqqummiunneqarnerani tunngavissaqanngitsutut isigineqarpat, akiliisitsiniarnermut eqqartuussivik ikiorsiullugu akiligassanik akiliisitsiniarneq itigartitsissutigineqassaaq. Tassunga tunngatillugu akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu eqqartuussiviup nakkutiginninnerata eqqartuussivimmut sassaqqusissutit, malittarisassat sulisaatsillu atuuttut malillugit eqqartuussisarnermik inatsimmi § 221 malillugu najuutinngitsoornermi eqqartuussutit eqqartuussissutigineqarneranni suliarineqartartut, assigissagai naatsorsuutigineqarpoq.

Pisuni suliap saqqummiunneqarnerani akiligassaqaarfiup piumasaqaatai tunngavissaqaanngitsutut isigineqarpa, eqqartuussiviup qisuariaataa aamma itigartitsinerussaaq (imaluunniit § 263 c, imm. 2-tut siunnersuutigineqartoq malillugu amigaataasut iluarsineqarnissaanut piffissaliissalluni). Akiligassallip tamakkiisumik ilaannakoortumilluunniit »pinngitsuutinneqarnera« uani pineqarsinnaanngilaq.

Erniat aamma eqqartuussivikkoortinnagit akiligassanik akiliisitsiniarnermi aningaasartuutit eqqarsaatigalugit tamanna aamma atuuppoq. Suliap saqqummiunneqarnerani tunngavissalittut isigineqaanngitsunik, akiliisitsiniarnermut eqqartuussivik ikiorsiullugu akiligassanik akiliisitsiniarneq erniat eqqartuussivikkoortinnagillu akiligassanik akiliisitsiniarnermi aningaasartuutit akilerneqarnissaanik imaqaarpat, eqqartuussiviup suliaq itigartitsissutigisinnaavaa imaluunniit akiligassaqaarfik akiliisitsiniarnermut eqqartuussivik ikiorsiullugu akiligassanik akiliisitsiniarneq iluarseqqusinnaavaa (amigaatigineqartut iluarseqqusinnaavai). Erniat imaluunniit eqqartuussivikkoortinnagit akiliisitsiniarnermut aningaasartuutit, eqqartuussiviup periarfissaliissuteqaanngitsutut isigisai, pillugit akiligassaqaarfik piumasaqaamminik taamaatitsiumanngippat, noqqaassuteqarnikkut tunngavilersorneqartussamik eqqartuussiviup suliaq aalajangiinikkut itigartitsissutigissavaa, aamma eqqartuussisarnermik inatsimmi kapitali 43 malillugu itigartitsineq pillugu aalajangiineq akiligassaqaarfiup aalajangeqqitassanngortissinnaassavaa.

Kisianni ataani imm. 3-tut siunnersuutigineqartoq malillugu akiliisitsiniarnermut eqqartuussivik ikiorsiullugu akiligassanik akiliisitsiniarnermut namminermut suliamut aningaasartuutiviit, eqqartuussivimmit aalajangerneqassapput.

Imm. 1-imi amigaatigineqartutut taaneqartut iluarsineqarnissaannut eqqartuussiviup akiligassaqaarfik piffissalersinnaagaa, § 263 c, imm. 2-mi siunnersuutigineqarpoq.

Amigaatigineqartut iluarsineqarnissaannut eqqartuussivik piffissaliussissanersoq imaluunniit suliaq erngerluni itigartissanerlugu, eqqartuussiviup nalilissavaa. Akiliisitsiniartarnermut eqqartuussivik ikiorsiullugu akiligassanik akiliisitsiniarneq akuusumit ilisimasaliunngitsumit tunniunneqaarpat, imaluunniit amigaatip inatsisitigut

apeqqut maannamut erseqqissisinneqarsimanngitsoq pissutigalugu eqqartuussivik akiligassaqaarfimmit allaanerusemik isumasiorneqarpat, nalinginnaasumik iluarsisitsiniaanissaq pissutissaqaarnerussaaq. Illuatungaani akiliisitsiniartarnermut eqqartuussivik ikiorsiullugu akiligassanik akiliisitsiniarneq akuusumit ilisimasalimmit tunniunneqarpat aamma amigaatit peqqissaarusinnginnermik takutitsippata, nalinginnaasumik iluarsisitsiniaanissaq pissutissaqaannginnerussaaq.

Akiligassaqaarfik suliamik itigartitsinerup kingorna nutaamik akiliisitsiniarnermut eqqartuussivik ikiorsiullugu akiligassanik akiliisitsiniarnermik tunniussippat, tassani amigaatigineqartut iluarsineqarsimallutik, akiliisitsiniarnermut eqqartuussivik ikiorsiullugu akiligassanik akiliisitsiniarnermut nutaamik akitsuummik, eqqartuussiviit naalagaaffik sinnerlugu akileqqutittagaannik, akiliisoqassaaq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermi amigaatigineqartut iluarsineqarnissaannut eqqartuussiviup akiligassalik piffissalerpagu, amigaatigineqartut akiligassaqaarfimmit iluarsineqareerpata, kisianni akitsuummik, eqqartuussiviit naalagaaffik sinnerlugu alileqqutittagaannik nutaamik akiliinani, akiliisitsiniarnermut eqqartuussivik ikiorsiullugu akiligassanik akiliisitsiniarneq iluarsisaq akiligassaqaarfiup suliaritissinnaassavaa.

Suliamut aningaasartuutit pillugit eqqartuussivik aalajangiissasoq aamma akiliisitsiniarnermut eqqartuussivik ikiorsiullugu akiligassanik akiliisitsiniarneq tamanna pillugu oqaaseqaatitalissagaa, § 263 c, imm. 3-mi siunnersuutigineqarpoq.

Suliami aningaasartuutini akitsuut, eqqartuussiviit naalagaaffik sinnerlugu akileqqutittagaat kiisalu akiliisitsiniarnermut eqqartuussivik ikiorsiullugu akiligassanik akiliisitsiniarneq ilisimasalittut sinniisumit eqqartuussivimmut tunniunneqarsimappat, akiligassaqaarfimmut ilisimasalittut sinniisuusumut aningaasartuutit ilaatinneqassapput. Tassunga atatillugu akiligassanik akiliisitsiniarnermi suliani eqqartuussissuserisut akissarsiaasa matussuserneqarnissaannut suliamut aningaasartuutit uuttortarneqarnissaannut ilitsersuutaasumik akigititat, Østre og Vestre Landsret-imi præsidentinit suliarineqartut, aamma akiliisitsiniarnermut eqqartuussivik ikiorsiullugu akiligassanik akiliisitsiniarnermut atatillugu atorneqassapput.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup aallarnersaataasumik nakkutigineqarneranut atatillugu, eqqartuussiviup suliamut aningaasartuutit aalajangersartussaassavai. Aningaasat amerlassusaat akiliisitsiniarnermut eqqartuussivik ikiorsiullugu akiligassanik akiliisitsiniarnermut ilanngunneqassapput, taamaalilluni akiliisitsiniarnermut eqqartuussivik ikiorsiullugu akiligassanik akiliisitsiniarnerup akiligassalimmut nalunaarutigineqarnerani, akiligassalik akerliliinngippat, aningaasat amerlassusaannik ataatsimoortunik, akilerneqartussanik, ilisimatinneqassalluni.

Suliamut aningaasartuutit pillugit eqqartuussiviup aalajangiinera akiliisitsiniarnermut eqqartuussivik ikiorsiullugu akiligassanik akiliisitsiniarnermut suliarineqartarpoq. Piffissaq eqqorlugu akiligassalik akerliussuteqarpat, suliamut aningaasartuutit pillugit aalajangiineq taamaalilluni sunniuteqassanngilaq.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaannik aalajangerneq, najuutinngitsoornermi eqqartuussutit eqqartuussutigineqartarnerisa assigisaannik piumasaqaatit suliallu saqqummiunneqarneranut piumasaqaatit assigisaasa piumasaqaatigineqarnerat kinguneraa. Taamaammat aalajangiineq inatsisilerituumit aalajangerneqassaaq. Nunatsinni Eqqartuussiviup sulianik ima aaqqissuussinissaa, eqqartuussiviup allaffimmi sulisuisa aallarnisaataasumik suliamik suliarinnissinnaanerannut aamma tamanna tunngavigalugu akiliisitsiniarnermut eqqartuussivik ikiorsiullugu akiligassanik akiliisitsiniarneq nalunaarutiginnissutigineqassanersoq inatsisilerituumut innersuussisinnaanerannut tamanna akornusiinngilaq.

(§ 263 d-mut)

§ 263 d-tut siunnersuutigineqartoq akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaa pillugu malittarisassanik imaqarpoq.

§ 603, imm. 1, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusineq periarfissaanngippat, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusinissaaq

periarfissaanngippat, aamma § 263 b, imm. 2, nr. 1 malillugu taamaattoqassappat nalunaarutiginninnerup mininneqarnissaa akiligassaqaarfiup noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq, imm. 2-mi ilitersuummi ilanngunneqartoq, akiligassalimmut nalunaarutiginnissutigineqarnissaa, eqqartuussiviup isumagissagaa, § 263 d, imm. 1-imi siunnersuutigineqarpoq.

(1) § 263 c-tut siunnersuutigineqartoq malillugu suliaq itigartitsissutigineqarpat, imaluunniit (2) eqqartuussisarnermik inatsimmi eqqissisimatitsinissaq pillugu malittarisassap § 603, imm. 1-p, imaluunniit akilersuineramik unitsitsineq, akiliisinnaajunnaarneq, pinngitsaaliinikkut qanoq akiliinissamik isumaqatigiissusiornissap ammarneqarnera aamma akiitsunik isumakkeerinninnissamik suliap aallartinneqarnissaa pillugu nalunaarutigineqarsimasut pillugit, akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusinissaq periarfissaanngippat, aamma pisumi tassani nalunaarutiginninnerup mininneqarnissaa akiligassaqaarfiup noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaa eqqartuussiviup isumagissavaa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu eqqartuussutip inatsisitigut malitseqartinneqarnera pillugu, aamma akiligassallip nammineq soqutigisami isumaginissaannut qanoq iliuseqartariaqarnera pillugit, akiligassalimmut ilitersuummik Domstolsstyrelse suliaqarnissaa, § 263 d, imm. 2-mi siunnersuutigineqarpoq.

Danmarki pineqartillugu Domstolsstyrelse-p nalunaarutaa nr. 352, 7. april 2015-imeersoq innersuussutigineqarpoq.

Kalaallit Nunaanni ilitersuutip assigisaa aamma kalaallisut ilusilersorneqarsinnaassammat, oqaatsit marluiit kalaallisut/qallunaatut ilitersuut atorlugit ilusilerlugu imaluunniit ilitersuut kalaallisut oqaasertalittut qallunaatullu oqaasertalittut ilusilik atorlugit, maluginiarneqassaaq.

Akiligassaqaarfik tamanna pillugu noqqaassuteqarsimappat – nalunaarutiginninnerup mininneqarnissaa pillugu immikkut ittumik

malittarisassaq eqqaassaanngikkaanni, eqqartuussisarnermik inatsimmi eqqissisimatitsinissaq pillugu malittarisassaq § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusinissaq periarfissaanngippat, § 263 d-tut siunnersuutigineqartup eqqartuussivimmut sassaqqusissutiniq nalunaarutiginninneq pillugu eqqartuussisarnermik inatsimmi § 219 assigaa.

Pisuni eqqartuussisarnermik inatsimmi § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 aamma akiligassaqarfiup noqqaassutiginninnera malillugit nalunaarutiginninneq mininneqarpat, akiliisitsiniarnermut eqqartuussivik ikiorsiullugu akiligassanik akiliisitsiniarnerup, aalajangersakkat taaneqartut akiligassallip pigisaanik tigusinerup akornutaanera pillugu paasissutissanik ilallugu, akiligassaqarfimmut utertinneqassaaq. Aammattaaq eqqartuussisarnermik inatsimmi § 708, imm. 2, inatsisissatut siunnersuummi § 1, nr. 8-tut oqaasertaliorneqartoq, malillugu akitsuut, eqqartuussiviit naalagaaffik sinnerlugu akileqqutittagaat utertillugu akilerneqassaaq.

(§ 263 e-mut)

Piumasaqaammut akiligassallit akerliliinissamik periarfissaat pillugit malittarisassanik § 263 e-tut siunnersuutigineqartoq imaqarpoq.

Akiligassalik piumasaqaammut akerliliissuteqarpat, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnerata kingorna sapaatit akunneri 4 qaangiutsinnagit, akiligassallip allakkatigut tamanna pillugu eqqartuussivik nalunaarfigissagaa, siunnersuutigineqarpoq.

Akiligassallip allakkatigut aamma pisariaqartinneqartumik suliamut ilisarinneqqissutiniq pisariaqartinneqartunik Nunatsinni Eqqartuussivik naatsumik nalunaaruteqarfigigunik naammassaaq, tassani akiligassallip piumasaqaat akuerinngikkaa takuneqarsinnaassalluni. Oqaaseqaatit soorlu »piumasaqaammut akerliussuteqarpunga« imaluunniit »piumasaqaat akuerinngilara« assersuutigalugu naammassapput, aamma nalunaarummi akerliliissutit suunersut ilisimatitsissutigisariaqanngillat.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarneraniit sapaatit akunnerini 4-ni pisuni tamani akiligassalimmut piffissaliussaavoq, aamma § 263 f, imm. 1-itut siunnersuutigineqartoq malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup suli oqaaseqarfigisimannginneraa apeqqutaatinnagu, Nunatsinni Eqqartuussiviup akerliliissut, piffissaliussap naareernerani akerliliissut tunniunneqartoq soqutigissanngilaa. Taamaattoq § 263 f, imm. 1-itut siunnersuutigineqartoq malillugu oqaaseqaateqarneq pillugu akiligassalimmut nalunaarutiginninneranut atatillugu, eqqartuussiviup § 263 f, imm. 3-tut siunnersuutigineqartoq malillugu suliap aallarteqqinneqarnissaanik piumasaqaateqarsinnaanera pillugu eqqartuussiviup akiligassalik ilitersuussinnaassavaa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmit oqaaseqaatitalerneqarnerata kingorna, akiligassalimmit eqqartuussivik akerliliissummik tigusippat, eqqartuussiviup aamma suliap aallarteqqinneqarnissaanik piumasaqaateqarsinnaanera pillugu eqqartuussiviup akiligassalik ilitersuussinnaassavaa.

(§ 263 f-imut)

Akiligassalik piffissaq eqqorlugu akiliisitsiniarnermut eqqartuussivik ikiorsiullugu akiligassanik akiliisitsiniarnermut akerliliissutininik saqqummiussinngippat, inatsisitigut malitseqartitsinerit pillugit § 263 f-itut siunnersuutigineqartoq malittarisassanik imaqarpoq.

Piumasaqaammut piffissaq eqqorlugu akerliliissutininik saqqummiussisoqanngippat, eqqartuussiviup tamanna pillugu akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatitalissagaa aamma akuusut nalunaaruteqarfigissagai, § 263 f, imm. 1-imi siunnersuutigineqarpoq. § 263 b, imm. 2, nr. 2 malillugu akiligassaqaarfigisap nutaamik noqqaassuteqarnani akiligassallip pigisaanik tigusisoqarnissaanik suliaqartoqarnissaa noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup najukkami eqqartuussivimmut nassiutissavaa, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq pinngitsaaliinikkut naammassinninniaanermut naligiissinneqassaaq.

Nutaamik noqqaassuteqarnani akiligassallip pigisaanik tigusineq akiligassaqaarfiup noqqaassutigisimanngippagu, eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu takussutissiaq akiligassaqaarfimmut nassiutissavaa.

§ 263 c-tut siunnersuutigineqartumut oqaatigineqartutut, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqannginnerani, akiligassalik akerliliissuteqanngippat, akiliisitsiniarnermut eqqartuussivik ikiorsiullugu akiligassanik akiliisitsiniarneq suliamut unioqqutinneqartussaannigitsumik aalajangiinertut isigineqarsinnaanersoq aamma naammassinninniutigineqarsinnaanersoq eqqartuussiviup nakkutigissavaa. § 263 f, imm. 1-imi oqaaseqatigiittut siullertut siunnersuutigineqartoq malillugu eqqartuussiviup oqaaseqaataa taamaalilluni allaffissornerinnakkut sullissinerussaaq aamma eqqartuussiviup allaffimmi sulisuinit tunniunneqarsinnaassalluni.

Akiligassallip piffissaq eqqorlugu akerliliissutinik saqqummiussisimannginnera pillugu akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup oqaaseqaatitalerpagu, akiligassaqaarfigisap suna qinersimaneraa suliap ingerlanissaanut apeqqutaalissaaq.

Tamanna pillugu noqqaassuteqaqqaarani akiligassallip pigisaanik tigusinermik suliaqartoqarnissaa akiligassaqaarfiup noqqaassutigisimappagu, Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq najukkami eqqartuussivimmut nassiutissavaa, aamma pinngitsaaliinikkut naammassinninniaanermt naligiissinneqassaaq. Eqqartuussisarnermik inatsimmi § 601, imm. 1 aamma imm. 2-mi oqaaseqatigiit siulliit malillugit najukkami eqqartuussivimmut, akiligassalimmut naleqqiullugu najukkami piginnaatitaasumut, Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq nassiuttussaassavaa, taassumalu allanngortinneqarnissaa siunnersuutigineqanngilaq. Tamatuma kingorna akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu, § 263 f, imm. 1-imi oqaaseqatigiit aappaattut siunnersuutigineqartoq malillugu pinngitsaaliinikkut naammassinninniaaneq najukkami eqqartuussiviup aallartissavaa.

§ 263 b, imm. 2-tut, aamma § 263 c-tut siunnersuutigineqartut malillugit, akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqannginnerani, eqqartuussivimmut piumasaqaatinik tamanik suliarinniffiusinnaasumut tunngaviit Nunatsinni Eqqartuussiviup nakkutigereersimassavai. Taamaammat eqqartuussisarnermik inatsimmi § 601 malillugu nutaamik eqqartuussivimmit suliarinneqqinneq pisussaassanngilaq. Akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1-imi oqaaseqatigiit siulliit malillugit oqaaseqaatitalik, eqqartuussisarnermik inatsimmi § 598, imm. 1, nr. 1, inatsisissatut siunnersuummi § 1, nr. 2-tut oqaasertaliorneqartoq, tassaassaaq pinngitsaaliinikkut naammassinninniaanermut tunngaviusoq. Pinngitsaaliinikkut naammassinninniaaneq pillugu noqqaassummut eqqartuussisarnermik inatsimmi § 601, imm. 4-mi piumasaqaatit taamaammat aamma naammassineqarsimassapput. Ataatsimut isigalugu taamaammat piginnaasaqarnermik amigaateqarneq, pinngitsaaliinikkut naammassinninniaanissamut naammangitsumik tunngavissaqarneq imaluunniit paasissutissat takussutissialluunniit amigaataanerit pissutigalugit eqqartuussisarnermik inatsimmi § 602 malillugu itigartitsineq pineqarnaviannngilaq.

Kisianni eqqartuussisarnermik inatsimmi § 603, imm. 1-imi eqqissisimatitsinissaq pillugu malittarisassaq atorneqassaaq. Naak Nunatsinni Eqqartuussivik akiligassaqarfiup noqqaassuteqarneratigut akiligassanik akiliisitsiniarneq pillugu nalunaarutiginninneq sioqqulluguli § 263 b, imm. 2, nr. 1-tut, aamma § 263 d, imm. 1-tut siunnersuutigineqartut malillugit malittarisassaq taanna malillugu eqqartuussivik suliarinneqqissimagaluartoq, eqqissisimatitsinissaq pillugu malittarisassaq aamma atorneqassaaq. Tassami eqqartuussummik naammassisitsiniaanermi allami akiligassalimmi akiligassat matussuserneqarnissaasa anguneqarsinnaannginnerat pisut akornanni paasineqareersimasinnaavoq.

Aammattaaq eqqartuussisarnermik inatsimmi §§ 604-miit kingunerilu malittarisassat nalinginnaasut malillugit pinngitsaaliinikkut naammassisitsiniaaneq pissaaq. Siunnersuut malillugu naammassisitsiniaanermut piffissaliisoqannginnera maluginiarneqassaaq, imaappoq § 599, imm. 3-tut (inatsisissatut siunnersuummi § 1, nr. 3) siunnersuutigineqartoq malillugu pinngitsaaliinikkut naammassisitsiniaaneq erngerluni pisinnaassaaq.

Taaneqareersutut akiliisitsiniarnermut eqqartuussivik ikiorsiullugu akiligassanik akiliisitsiniarneq pinngitsaaliinikkut naammassisitsiniarnermut naligissinneqartussaavoq. Eqqartuussisarnermik inatsimmi § 614, imm. 3 malillugu, akiligassallip pigisaanik tigusineranut pingaarnersiuinerimi inissisimaneq, akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarneraniit naatsorsorneqarnissaa, tamatuma ilaatigut kinguneraa.

Akiligassaqaarfik tamanna pillugu nutaamik noqqaassuteqarani, akiligassallip pigisaanik tigusisoqarnissaa *noqqaassutigisimanngippagu*, § 263 f, imm. 2-mi oqaaseqatigiit pingajuattut siunnersuutigineqartoq malillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu takussutissiaq (oqaaseqaatitaqartoq) akiligassaqaarfimmut eqqartuussiviup nassiutissavaaa.

Akiliisitsiniarnermut eqqartuussivik ikiorsiullugu akiligassamik akiliisitsiniarneq tunngavigalugu pinngitsaaliinikkut naammassinninniaaneq pillugu akiligassaqaarfik kingusinnerusukkut noqqaassuteqarsinnaassaaq, kisianni ilaatigut eqqartuussisarnermik inatsimmi §§ 601-imiit 603 ilanngullugu malillugit nutaamik erseqqinnerusumik suliarinnittoqassaaq, aamma akitsuut, eqqartuussiviit naalagaaffik sinnerlugu akileqqutittagaat nutaaq aamma akilerneqartussaassaaq.

Akiligassanik akiliisitsiniartarfik ikiorsiullugu akiligassanik akiliisitsiniarneq imm. 1-mi oqaaseqatigiit siulliit malillugit oqaaseqaatitalerneqarsimatillugu, eqqartuussutitut unioqqutinneqartussaannngitsumik sunniuteqarnissaa, § 263 f, imm. 2-mi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarneq, § 263 f, imm. 1-mi oqaaseqatigiittut siullertut siunnersuutigineqartoq malillugu oqaaseqaatitalerneqarsimasoq, eqqartuussissutitut unioqqutinneqartussaannngitsumik sunniuteqarnissaa (suliamut unioqqutinneqartussaannngitsumik aalajangiinertut isiginneqarnera), tamatuma kinguneraa. Taamaalilluni kingusinnerusukkut piunasaqaat taanna pillugu eqqartuussivimmi suliaannngortitsinissaaq, akiliisitsiniarnermut eqqartuussivik ikiorsiullugu akiligassanik akiliisitsiniarnerup akornusissavaa, aamma tamanna akuusunut

marluusunut tamanna atuutissaaq. Aammattaaq inatsimmi 1908-meersumi § 1, imm. 2 malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq immikkut ittumik inatsisitigut tunngaviussaaq, taamaalilluni piumasaqaat danske lov 5-14-4 malillugu ukiut 20-t qaangiunnerani pisoqalisootitsisarnerup ataani inissinneqassalluni. Eqqartuussiviit avaqqullugit akiligassanik akiliisitsiniarnermut aningaasartuutit, akiliisitsiniarnermut eqqartuussivik ikiorsiullugu akiligassanik akiliisitsiniarnermi ilanngunneqarsimasut, aamma suliaq pillugu aningaasartuutit erniallu ilanngunneqarsimasut, ullormut tassunga, tassani eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq, akerliliissutinik saqqummiussisoqarsimannginnera pillugu oqaaseqaatitaliiffigisaa, aamma Danske Lov 5-14-4 malillugu ukiut 20-t qaangiunnerani pisoqalisootitsisarnerup ataanut ilaatinneqartussaavoq. Siunissami erniarineqartussat kisianni inatsisip 1908-meersumi ukiut 5 qaangiunnerani pisoqalisootitsisarnermut ilaatinneqassapput.

Akiligassalik piffissaliussap sapaatit akunnerinik 4-nik sivilissuseqartup iluani suliaq aallarteqqinneqarnissaa piumasaqaatigisinnaagaa, § 263 f, imm. 3-mi siunnersuutigineqarpoq. Noqqaassuteqarneq Nunatsinni Eqqartuussivimmut saqqummiunneqassaaq. Noqqaassut najukkami eqqartuussivimmut saqqummiunneqarpat, tamanna pillugu najukkami eqqartuussiviup Nunatsinni Eqqartuussivik nalunaarfigissavaa. Noqqaassut kingusinnerusukkut saqqummiunneqarpat, kisianni ukioq 1 qaangiutsinnagu, Nunatsinni Eqqartuussiviup qaqutiguinnaq suliaq aallarteqqissinnaavaa. Akiligassallip suliamut aningaasartuutinik akileqquneqartunik akiliinissaa imaluunniit qularnaveeqqusiinissaa, suliamik aallartitseqqinnissamut piumasaqaatilerneqarsinnaavoq.

Eqqartuussisarnermik inatsimmi § 232 malillugu najuutinngitsoornermi eqqartuussissut eqqartuussissutigineqarsimatillugu suliaq aallarteqqinneqarnissaanut malittarisassat atuuttut malillugit akiligassallip suliaq aallarteqqinneqarnissaa periarfissarissagaa, tamatuma kinguneraa. Taamaalilluni, piffissaq eqqorlugu akerliliissutinik saqqummiussisoqarsimannginnera pillugu akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmit oqaaseqaatitalerneqarsimanerata kingorna sapaatit akunnerisa 4-t iluanni tamanna pillugu noqqaassut saqqummiunneqarpat, akiligassallip suliaq aallarteqqinneqarnissaa piumasaqaatigisinnaavaa.

Noqqaassut Nunatsinni Eqqartuussivimmut saqqummiunneqassaaq, kisianni akiligassallip noqqaassut najukkami eqqartuussivimmut saqqummiuppagu, assersuutigalugu akiliisitsiniarnermut eqqartuussivik ikiorsiullugu akiligassanik akiliisitsiniarnerup pinngitsaaliinikkut naammassinninniaanermut atatillugu, tamanna pillugu Nunatsinni Eqqartuussiviup erngerluni nalunaarfigineqarnissaa najukkami eqqartuussiviup isumagissavaa.

Akiligassallip suliamut aningaasartuutit, akiligassalimmut akileqquneqartut, akilissagai, imaluunniit akiliinissamut qularnaveeqqusiinissaa eqqartuussiviup suliap aallarteqqinneqarnissaanut piumasaqaatigisinnaavaa, kisianni taanna eqqaassanngikkaanni, piffissaliussap sapaatit akunnerinik 4-nik sivilissuseqartup naannginnerani noqqaassut saqqummiunneqarpat, akiligassalik aallartitseqqinnissamik ilumut piumasaqaateqarsinnaavoq. Suliamut aningaasartuutitut akitsuut, eqqartuussiviit naalagaaffik sinnerlugu akileqqutittagaat aamma akiliisitsiniarnermut eqqartuussivik ikiorsiullugu akiligassanik akiliisitsiniarnerup tunniunneqarneranut atatillugu ilisimasalimmik akuusup sinniisaanut aningaasartuutaasinnaasut ilaatinneqarput, akerlianilli eqqartuussiviit avaqqullugit akiliisitsiniarnermut aningasartuutit ilaatinneqanngillat.

Akerliliissutit piffissaq eqqorlugu tiguneqarsimannginnerat pillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmit oqaaseqaaserneqarnerata kingorna, aallartitseqqinnissaq pillugu sapaatit akunneri 4-t qaangiutereersut noqqaassut tunniunneqarpat, aallartitseqqinneq qaqtuguinnaq kisianni pisinnaassaaq. Najuutinngitsoornermi eqqartuussutit
aallarteqqinneqarnissaat pillugu eqqartuussisarnermik inatsimmi § 232-imi malittarisassap ingerlanneqartarnera assigalugu aallartitseqqissinnaanerup ingerlanneqarnissaa naatsorsuutigineqarpoq. Taamaalilluni ingammik aallartitseqqinnissaq pillugu noqqaassutip siusinnerusukkut patsisissaqarnersoq
tunniunneqarsimannginnera
eqqarsaatigineqarsinnaassaaq.

Suliaq aallarteqqinneqassappat, imm. 1-imi oqaaseqatigiit siulliit malillugit oqaaseqaat eqqartuussiviup atorunnaarsissagaa, aamma § 263 g malillugu suliaq ingerlatissagaa, § 263 f, imm. 4-imi siunnersuutigineqarpoq.

Imm. 1-imi oqaaseqatigiit siulliit malillugit, suliap aallartinneqaqqinneqarnerani oqaaseqaatip inatsisitigut

malitseqartinneqarnera, atorunnaarsinneqarnera tamatuma kinguneraa. Tamatuma kingorna akiliisitsiniarnermut eqqartuussivik ikiorsiullugu akiligassamik akiliisitsiniarneq pinngitsaaliinikkut naammassiniarneqarsinnaajunnartussaassaaq, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu akiligassallip pigisaanik tiguserersimaneq, eqqartuussisarnermik inatsimmi § 610, nr. 5 malillugu matumuuna atorunnaarsinneqarsinnaavoq. Pisunut akiligassallip § 263 g-tut siunnersuutigineqartoq erseqqinnerusumik malillugu akerliliissutinik saqqummiussinerani, akiligassaqaarfiup suna toqqarsimaneraa, suliap aallarteqqinneqarnerani suliamik ingerlatitseqqinnermut apeqqutaassaaq.

(§ 263 g-mut)

Akiligassallip piffissaq eqqorlugu akiligassaqaarfiup piumasaqaataanut akerliliissutinik eqqartuussivimmut nalunaaruteqarnerani, § 263 g-tut siunnersuutigineqartoq malittarisassanik imaqaarpoq.

§ 263 e malillugu piffissaq eqqorlugu piumasaqaammut akerliliissutinik saqqummiussisoqarpat, aamma § 263 b, imm. 2, nr. 3 malillugu eqqartuussivimmut sassaqqusissummik tunniussisoqartinnagu eqqartuussivimmi suliaassap aallartinneqarnissaa akiligassaqaarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq, eqqartuussivimmut sassaqqusissummut naligiissinneqartoq, tunngavigalugu, eqqartuussivimmi suliaassap suliarineqarnera eqqartuussiviup aallartissagaa, siunnersuutigineqarpoq. Eqqartuussivimmi suliaassap eqqartuussivimmut sassaqqusissummik tunniusseqqaarani aallartinneqarnissaa, akiligassaqaarfiup noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassaqaarfimmut nassiunneqassaaq, aamma akiligassalik tamanna pillugu nalunaarfigineqassaaq.

Pisumi uani eqqartuussivimmi suliaassap eqqartuussivimmut sassaqqusissummik tunniussinani aallartinneqarnissaa akiligassaqaarfiup noqqaassutigisimappagu, eqqartuussivimmi suliaassap aallartinneqassasoq, eqqartuussiviup isumagissagaa, tassami § 263 g-mi oqaaseqatigiittut siullertut siunnersuutigineqartoq malillugu, akiliisitsiniarnermut eqqartuussivik ikiorsiullugu akiligassanik akiliisitsiniarneq

eqqartuussivimmut sassaqqusissummut naligiissinneqartussaammat, tamatuma kinguneraa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq nalunaarutiginnissutigineqareersimammat, eqqartuussiviup, massakkut eqqartuutitinniakkatut isigineqartup, akiligassalik eqqartuussisarnermik inatsimmi § 220 malillugu akinissaanik pisussaaffilissagaa, aamma suliaq tamatuma kingorna Nunatsinni Eqqartuussivimmi inuit sakkutuujunngitsut pillugit eqqartuussivimmi suliassatut ingerlaqqissasoq, tamatuma kinguneraa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassallip akerliliissutai peqqissaarussamik tunngavilersorneqarsimappat, eqqartuutitinniakkap akissutaatut eqqartuussiviup akerliliissutit suliarisinnaassavai, aamma taamaammat akiligassallip/eqqartuutitinniakkap eqqartuussisarnermik inatsimmi § 220 malillugu akinissaanik pisussaaffilernissaa minissinnaallugu. Taamaattoqarpat eqqartuutitinniagaq piffissaliussap erseqqinnerusumik taaneqartup iluani ilassutaasumik akissummik saqqummiussisimanngippat, eqqartuussivimmi suliassap massakkut aallartinneqarnera, aamma akerliliissutit tiguneqarsimasut eqqartuutitinniakkap akissutaatut isigineqassasut eqqartuussiviup akiligassalimmut/eqqartuutitinniakkamut nalunaarutigissavaa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussivimmut sassaqqusissummut naligiissinneqarmat, akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmut tunniunneqarnerani eqqartuussivimmut suliassamik suliassanngortitsinertut isigineqarnera, maluginiarneqassaaq. Tamanna assersuutigalugu eqqartuussivimmi suliap ingerlanerani akiligassaqaarfiup annaasaqaataanut taartisissutigisassaata aallartinneqarnissaanut atatillugu atuutissaaq. Akuusut akornanni piumasaaq taannarpiaq pillugu eqqartuussivimmi suliassap allap itigartinneqarnissaanut atatillugu (litis pendens (suliamut ingerlasumut)) taanna aamma pingaaruteqarsinnaavoq. Akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmut tunniunneqarnerata kingorna, eqqartuussivimmut suliassaq alla suliassanngortinneqarsimappat, suliassaq alla taanna, akiliisitsiniarnermut eqqartuussivik ikiorsiullugu akiligassanik

aallartitsiniarneq tunngavigalugu aallartinneqartoq, taamaalilluni suliaassanngortinneqarsimasut siullertut isigineqassaaq.

Akiligassalik piffissaq eqqorlugu akerliliissutiniq saqqummiussippat, eqqartuussivimmi suliaassap eqqartuussivimmut sassaqqusissummik tunniussinani, eqqartuussivimmi suliaassap *aallartinneqannginnissaa*, akiligassaqaarfiup noqqaassutigisimappagu, suliaq naassaaq. Akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassaqaarfimmut nassiunneqassaaq, aamma § 263 g-mi oqaaseqatigiit aappaattut siunnersuutigineqartoq malillugu akerliliissutiniq tigusisoqarsimanera aamma tamanna pillugu akiligassaqaarfik akiligassalillu nalunaarfigineqassapput.

Nr. 2-mut

Pinngitsaaliinikkut naammassinninniaaneq pillugu eqqartuussisarnermik inatsimmi § 598 tunngassuteqarpoq.

§ 598, imm. 1, nr. 1-imi ”naammassiniarneqarsinnaasut” kingorna ”akiliisitsiniarnermut eqqartuussivik ikiorsiullugu akiligassanik akiliisitsiniarnerit § 263 f, imm. 1 malillugu oqaaseqaatitaqartut” ilanngunneqassasoq siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnerit, Nunatsinni Eqqartuussivimmit nakkutilliiffigineqarsimasut aamma akiligassalimmut, taanna piffissaq eqqorlugu piumasaqaammut akerliliissutiniq saqqummiussisimatinnagu, nalunaarutiginnissutigineqarsimasut, akerliliissutiniq saqqummiussisoqarsimannginnera pillugu akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup oqaaseqaatitalerpagu, eqqartuussutitut naleqartillugu pinngitsaaliinikkut naammassinninniutigineqartussatut tunngaviusinnaanera, tamatuma kinguneraa.

Aammattaaq inatsisissatut siunnersuummut nalinginnaasumik oqaaseqaatini imm. 2.2 innersuussutigineqarpoq.

Nr. 3-mut

Pinngitsaaliinikkut naammassinninniaanernut tunngaviit § 598-imi taaneqartut pillugit naammassinninniaanermut piffissaliussanut assigiinngitsunut piffissaliussat eqqartuussisarnermik inatsimmi § 599 tunngassuteqarpoq.

Nutaatut § 599, imm. 2 ilanngunneqassasoq siunnersuutigineqarpoq, tamatumalu kingorna akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartut, erngerlutik naammassinninniutigineqarsinnaapput.

Akiliisitsiniarnermut eqqartuussivik ikiorsiullugu akiligassanik akiliisitsiniarnerit, Nunatsinni Eqqartuussivimmit nakkutilliiffigineqarsimasut aamma akiligassalimmut, taanna piffissaq eqqorlugu piumasaqaammut akerliliissutininik saqqummiussisimatinnagu, nalunaarutiginnissutigineqarsimasut, akerliliissutininik saqqummiussisoqarsimannginnera pillugu akiliisitsiniarnermut eqqartuussivik ikiorsiullugu akiligassanik akiliisitsiniarnermi eqqartuussiviup oqaasertaliinerata kingorna erngerluni naammassinniutigineqarsinnaassasoq, tamatuma kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 4-imut

Pinngitsaaliinikkut naammassinninniaanissaq pillugu noqqaassutip qaqugukkut tunniunneqarsinnaanera pillugu eqqartuussisarnermik inatsimmi § 600 taasivoq.

§ 599, imm. 6-imut innersuussinerup § 599, imm. 7-imut innersuussinermut allanngortinneqarnissaa § 600, imm. 1-imi oqaaseqatigiinni siullerni siunnersuutigineqarpoq.

Inatsisissatut siunnersuummi § 1, nr. 3 malillugu nutaamik § 599, imm. 2-mik ilanngussisoqarnissaa siunnersuutip kinguneraa, taamaalilluni § 599, imm. 6 atuuttoq § 599, imm. 7-inngussalluni.

Siunnersuut piviusut allanngortinneqarneranik kinguneqanngilaq.

Nr. 5-imut

Pinngitsaaliinikkut naammassinninniaanerup tunngaviinut akerliliissutit pillugit akiliisitsiniarnermut eqqartuussiviup suliarinneqqinneranik eqqartuussisarnermik inatsimmi § 609 tunngassuteqarpoq.

Eqqartuussutit eqqortuunerinut eqqartuussiviullu aalajangiinerinut akerliliissutit aamma eqqartuussivitsigoortumik isumaqatigiissutitut akerliliissutit, eqqartuussiviup sulineranut tunngassuteqartut, pinngitsaaliinikkut naammassinninniaanerup nalaani atuutinneqarsinnaanngitsut, § 609, imm. 3-mi takuneqarsinnaavoq.

»aalajangiissutillu« kingorna »kiisalu akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq,« ilanngunneqassasoq, § 609, imm. 3-mi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussisarnermik inatsimmi § 263 f, imm. 1, inatsisissatut siunnersuummi § 1, nr. 1-imi oqaasertaliorneqartoq, malillugu oqaaseqaatitaqartup, eqqortuussusaanik akerliliissutit, pinngitsaaliinikkut naammassinninniaanerup nalaani atuutinneqarsinnaassannginnerat, tamatuma kinguneraa.

Akiliisitsiniarnermut eqqartuussivik ikiorsiullugu akiligassanik akiliisitsiniarneq, Nunatsinni Eqqartuussivimmit nakkutilliiffigineqarsimasoq aamma akiligassalimmut, taanna piumasaqaammut piffissaq eqqorlugu akerliliissuteqarsimatinnagu, nalunaarutiginnissutigineqartoq, eqqartuussisarnermik inatsimmi § 263 f, imm. 2, inatsisissatut siunnersuummi § 1, nr. 1-itut oqaasertaliorneqartoq, malillugu, eqqartuussutitut sunniunniuteqartussaana pillugu siunnersuutigineqartup, siunnersuut kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 6-imut

Eqqartuussisarnermik inatsimmi kapitali 55, »Innuttaasut eqqartuussivikkut suliassiissutaasa siullermeeriffiusumik suliarineqarneranni akitsuutit«-nik qulequtaqartoq, § 708 sioqqullugu qulequtaq malillugu innuttaasut pillugit

eqqartuussivimmi suliat eqqartuussummik naammassineqartut pillugit aamma § 718 sioqqullugu qulequtaq malillugu uppersaatissanik ilanngussisarneq il.il. pillugit tunngassuteqarpoq.

§ 708 sioqqullugu qulequtaq »*Innuttaasut pillugit eqqartuussivimmi suliat eqqartuussummik naammassineqartut aamma akiliisitsiniarnermut eqqartuussivik ikiorsiullugu akiligassanik akiliisitsiniarnerit*«-mik oqaasertaliorneqassasoq siunnersuutigineqarpoq.

Matumuuna aamma §§ 708-imut aamma 715-imut allannguutissatut siunnersuutigineqartut (inatsisissatut siunnersuummi § 1, nr. 7-imiit 9 ilanngullugu) malillugit, akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu malittarisassat imarisatik malillugit naleqquttuuppata, eqqartuussisarnermik inatsimmi §§ 708-imiit 717 ilanngullugu atuutissasut, siunnersuutip kinguneraa.

Eqqartuussisarnermik inatsimmi § 708 allanngortinneqassasoq siunnersuutigineqarpoq, taamaalilluni akitsuutip, eqqartuussiviit naalagaaffik sinnerlugu akileqqutittagaata 500 kr.-iusup assinga, inatsisissattut siunnersuummi § 1, nr. 7 malillugu innuttaasut pillugit siullermeerinniffiusumik eqqartuussivimmi suliat naammassineqartut assigalugit akiliisitsiniarnermut eqqartuussivik ikiorsiullugu akiligassanik akiliisitsiniarnermi akilerneqartassalluni.

Naak akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassalinnut arlalinnut piumasaqaatinik imaqaraluartoq, akiliisitsiniarnermut eqqartuussivik ikiorsiullugu akiligassanik akiliisitsiniarnermut ataatsimut akitsuut 500 kr.-iusoq, eqqartuussiviit naalagaaffik sinnerlugu akileqqutittagaat, ataaseq taamaallaat akilerneqartussaassasoq, eqqartuussisarnermik inatsimmi § 709-p kinguneraa. Akiligassanik akileqqusissutitut aningaasat amerlassusaannut killiliussaq 100.000 kr.-iussasoq siunnersuutigineqarmat, aamma § 263-tut siunnersuutigineqartoq tassungalu oqaaseqaatit (inatsisissatut siunnersuummi § 1, nr. 1) malillugu akiliisitsiniarnermut eqqartuussivik ikiorsiullugu akiligassanik akiliisitsiniarnermi ataatsimi taamaammat 100.000 kr.-it sinnerlugit piumasaqaatigineqarsinnaanngimmata, maluginiarneqassaaq.

Suliassiissummi allamik peqataasussanngortitsineq aammalu suliassiissummi akuliuttoqarneq pillugu apeqqutit pillugit

eqqartuussisarnermik inatsimmi §§ 710 aamma 711 aamma immikkut eqqartuussummut eqqartuutitinniakkap illuatungaanit piumasaqaatai, akiliisitsiniarnermut eqqartuussivik ikiorsiullugu akiligassanik akiliisitsiniarnernut naleqquttuunavianngillat.

Eqqartuussisarnermik inatsimmi § 712 akiliisitsiniarnermut eqqartuussivik ikiorsiullugu akiligassanik akiliisitsiniarnernut aallaaviatigut naleqquttuunavianngilaq, kisianni akiliisitsiniarnermut eqqartuussivik ikiorsiullugu akiligassanik akiliisitsineq kukkusumik najukkami eqqartuussivimmut tunniunneqarsimappat, aamma najukkami eqqartuussiviup Nunatsinni Eqqartuussivimmut nassiunnagu suliaq itigartitsissutigippagu, itigartitsinerup kingorna qaammatit 3 qaangiutsinnagit akiliisitsiniarnermut eqqartuussivik ikiorsiullugu akiligassanik akiliisitsiniarneq Nunatsinni Eqqartuussivimmut tunniunneqarpat, akitsuut, eqqartuussiviit naalagaaffik sinnerlugu akileqqutittagaat akilerneqaqqissanngimmat, tamatuma kinguneraa. Suliap Kalaallit Nunaanni eqqartuussivimmik piumasaqaatinik tamanik suliarinniffiusinnaasumik peqannginnera pissutigalugu itigartinneqarnera, tamatumalu kingorna akiligassalik Kalaallit Nunaanni eqqartuussivimmik piumasaqaatinik tamanik suliarinnissinnaasumik pissarsinera, pisuni qaqutigorluinnaq pisinnaagunartuni tassaasinnaavoq pisoq alla. Itigartitsinerup kingorna qaammatinit 3-nit sivikinnerusumik piffissaq ingerlasimappat, akiliisitsiniarnermut eqqartuussivik ikiorsiullugu akiligassanik akiliisitsiniarneq, nutaamik akitsuummik, eqqartuussiviit naalagaaffik sinnerlugu akileqqutittagaannik akileeqqinnani tunniunneqarsinnaassaaq.

Akiliisitsiniarnermut eqqartuussivik ikiorsiullugu akiligassanik akiliisitsiniarnernut suliamut namminermut eqqartuussisarnermik inatsimmi § 713 naleqquttuunavianngilaq, kisianni akiligassalik akerliliissutinik saqqummiussippat, aamma taamaattoqarpat nutaamik noqqaassuteqaqqaarani eqqartuussivimmi suliamik suliarinninnissaq akiligassaqarfiup noqqaassutigisimappagu, eqqartuussiviup suliamik suliarinninnerata aallartinnerani suliaq, eqqartuussisarnermik inatsimmi § 225, imm. 2 malillugu Kalaallit Nunaanni atuisartunut pisisartunullu siunnersuisartoqatigiinnut nassiunneqarpat, aamma tamatuma kingorna suliaq akiligassallip taamaatitippagu, akiliisitsiniarnermut eqqartuussivik ikiorsiullugu akiligassamik akiliisitsiniarnermut akitsuut, eqqartuussiviit naalagaaffik sinnerlugu akileqqutittagaat, utertillugu

akileqquneqarsinnaasoq, eqqartuussisarnermik inatsimmi § 713-ip kinguneraa.

Nunatta Eqqartuussisuuneqarfianut suliap aalajangeqqitassanngortinneqarnerata kingorna akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu suliaq, Nunatsinni Eqqartuussivimmut uterteqqinneqarpat, Nunatsinni Eqqartuussivimi akiliisitsiniarnermut eqqartuussivik ikiorsiullugu akiligassanik akiliisitsiniarnerup nutaamik suliareqqinneqarnerani nutaamik akitsuummik, eqqartuussiviit naalagaaffik sinnerlugu akileqqutittagaannik akiliisoqassanngitsoq, eqqartuussisarnermik inatsimmi § 714-p kinguneraa.

Eqqartuussisarnermik inatsimmi § 715-ip allanngortinneqarnissaa siunnersuutigineqarpoq, taamaalilluni akiliisitsiniarnermut eqqartuussivik ikiorsiullugu akiligassanik akiliisitsiniarnermi inatsisissatut siunnersuummi § 1, nr. 9 malillugu akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmut tunniunneqarnerani akitsuummik akiliisussaatitaaneq pilissalluni.

Akiliisitsiniarnermut eqqartuussivik ikiorsiullugu akiligassanik akiliisitsiniarnermut suliak akitsuusigaanngitsut pillugit eqqartuussisarnermik inatsimmi § 716, aamma akiliunneqarsinnaaneq aamma tjenestemandit, peqquneqarnikkut eqqartuussivimmi suliassanngortitsissut pillugit § 717, akiliisitsiniarnermut eqqartuussivik ikiorsiullugu akiligassanik akiliisitsiniarnermi aammattaaq sulisaatsimi pingaaruteqarnaviangillat.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 7-imut

Innuttaasut eqqartuussivikkut suliassiissutaasa siullermeeriffiusumik suliarineqartarneranni akitsuut 500 kr.-iusoq eqqartuussisarnermik inatsimmi § 708-p aalajangersarpaa.

§ 708-imi »siullermeeriffiusumik« kingorna »aamma akiliisitsiniarnermut eqqartuussivik ikiorsiullugu akiligassanik akiliisitsiniarneq« ilanngunneqassasoq siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermut, soorlu siullermeeriffiusumik innuttaasunut eqqartuussivimmi suliat eqqartuussummik naammassineqartut assigalugit, akitsuummik, eqqartuussiviit naalagaaffik sinnerlugu akileqqutittagaannik, 500 kr.-iusumik akiliisoqarnissaa tamatuma kinguneraa.

Akiliisitsiniarnermut eqqartuussivik ikiorsiullugu akiligassanik akiliisitsiniarnerup, eqqartuussisarnermik inatsimmi § 715, nr. 1, inatsisissatut siunnersuummi § 1, nr. 9-tut oqaasertaliorneqartoq, malillugu Nunatsinni Eqqartuussivimmut tunniunneqarnerani akitsuummik akiliisussaataaneq pilissaaq.

Akitsuit, eqqartuussiviit naalagaaffik sinnerlugu akileqqusartaat, akilerneqartinagu, Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarnerup misissuiffigineqarnissaa aallartissinnaassanngilaa.

Akiligassamik akileqquneqarnerup kingorna akitsuit akilerneqanngippat, akitsuutip akilerneqarnissaanut eqqartuussivik piffissamik aalajangiisinnaavoq, aamma piffissaliussap naanerani tamatuma kingorna akitsuit akilerneqanngippat, eqqartuussisarnermik inatsimmi § 737, imm. 1-imi oqaaseqatigiit aappaat pingajuallu malillugit akiliisitsiniarnermut eqqartuussivik ikiorsiullugu akiligassanik akiliisitsiniarnerup suliarineqarnissaa atorunnaarsinneqartutut isigineqassaaq, taassumalu allanngortinneqarnissaa siunnersuutigineqanngilaq.

Nr. 8-mut

Innuttaasut eqqartuussivikkut suliassiissutaasa siullermeeriffiusumik suliarineqartarneranni akitsuit 500 kr.-iusoq eqqartuussisarnermik inatsimmi § 708-p aalajangersarpaa.

§ 708-mi »siullermeeriffiusumik« kingorna »aamma akiliisitsiniarnermut eqqartuussivik ikiorsiullugu akiligassanik akiliisitsiniarneq« ilanngunneqassasoq siunnersuutigineqarpoq.

Innuttaasut eqqartuussivikkut suliassiissutaat assigalugit siullermeeriffiusumik akiliisitsiniarnermut eqqartuussivik ikiorsiullugu akiligassanik akiliisitsiniarnermi akitsuit 500 kr.-iusoq akilerneqassasoq tamatuma kinguneraa. Eqqartuussisarnermik inatsimmi § 715, nr. 1,

inatsisissatut siunnersuummi § 1, nr. 9-mi oqaasertaliorneqartoq, malillugu, akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarnerani akitsuummik akiliniissamut pisussaaffik atuutilissaaq.

Akitsuut akilerneqartinnagu Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq allartissinnaasussaanngilaa.

Piumasaqaateqareernerup kingorna akitsuut akilerneqanngippat, eqqartuussivik akitsuutip akilerneqarnissaanut piffissaliisinnaavoq, aamma tamatuma kingorna akitsuut piffissaliussap naannginnerani akilerneqanngippat, eqqartuussisarnermik inatsimmi § 737, imm. 1-imi oqaaseqatigiit aappaat aamma pingajuat, allanngortinneqartussaatur siunnersuutigineqanngitsut, malillugit, akiliisitsiniarnermut eqqartuussivik ikiorsiullugu akiligassanik akiliisitsiniarnerup suliarineqarnissaanik noqqaassuteqarneq atorunnaarsinneqassaaq.

Nutaamik § 708, imm. 2-mik ilanngussisoqarnissaa siunnersuutigineqarpoq, taassumalu kingorna, § 603, imm. 1, imaluunnit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusineq pisinnaanngippat, aamma taamaattoqarpat § 263 b, imm. 2, nr. 1 malillugu nalunaarutiginninnerup mininneqarnissaa akiligassaqaarfiup noqqaassutigisimappagu, akiligassanik akiliisitsiniarnermut eqqartuussivik ikiorsiullugu akiligassanik akiliisitsiniarnermik nalunaarutiginninneq mininneqarpat, akitsuummik akiliisussaataitaneq atorunnaassaaq.

Aalajangersakkat taaneqartut malillugit akiligassallip pigisaanik tigusisinnaaneq pisinnaanngitsillugu aamma taamaattoqarpat akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassalimmut nalunaarutiginnissutigineqannginnissaa akiligassaqaarfiup akiliisitsiniarnermut eqqartuussivik ikiorsiullugu akiligassanik akiliisitsiniarnermi toqqarsimappagu, taamaalilluni akiligassaqaarfiup piumasaqaataa pissutissaqavinnersoq isummerfiginagu, suliaq naammassineqassasoq, tamatuma kinguneraa.

Pisuni allani akitsuut, eqqartuussiviit naalagaaffik sinnerlugu akileqqutittagaat utertillugu akilerneqassanngilaq, matumani

akiliisitsiniarnermut eqqartuussivik ikiorsiullugu akiligassanik akiliisitsiniarnerup amigaateqarnera pissutigalugu, imaluunniit suliap saqqummiunneqarnerani piumasaqaatip tunngavilersorneqannginnera pissutigalugu itigartinneqarnera, imaluunniit piumasaqaammut akiligassallip akerliliissuteqarneraa kingorna, aamma taamaalilluni eqqartuussiviup piumasaqaatip pissutissaqavinneranik isumminnginnera, suliaq akiligassaqarfiup akiliisitsiniarnermut eqqartuussivik ikiorsiullugu akiligassanik akiliisitsiniarnermi toqqaanerani naammassineqarnera ilanngullugit.

Pisuni, taakkunani, akiligassallip akerliliissutinik saqqummiussisimannginnera pillugu Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarnerq oqaaseqaatitallersimatillugu, aamma pinngitsaaliinikkut naammassinninniaaissaq siunertaralugu najukkami eqqartuussivimmut akiliisitsiniarnermut eqqartuussivik ikiorsiullugu akiligassanik akiliisitsiniarnerq nassiussimappagu, tamatumalu kingorna eqqartuussisarnermik inatsimmi § 603, imm. 1, imaluunniit akiliisinnajaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusinissamik suliaqarnissaq najukkami eqqartuussiviup itigartitsissutigippagu, tassami massakkut akiligassallip pigisaanik tigusinissaq – akiliisitsiniarnermut eqqartuussivik ikiorsiullugu akiligassanik akiliisitsiniarnerup nalunaarutiginnissutigineqarnissaa pillugu Nunatsinni Eqqartuussiviup aalajangeranik akerliusumik – aalajangersakkat taakku malillugit, pisinnaanngimmat, akitsuut, eqqartuussiviit naalagaaffik sinnerlugu akileqqutittagaat aammattaaq akilerneqassanngilaq.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 9-mut

Akitsuummik akiliisussaataitanerup qaqugukkut pilersarnera pillugu eqqartuussisarnermik inatsimmi § 715 tunngassuteqarpoq.

Eqqartuussivimmut sassaqqusissutitut aamma inatsisitigut allakkiani, eqqartuussivimmi suliaq piareersarneqarnerani ilaasuni, akitsuummik akiliinissamut pissussaaffimmik imaqartuni, akitsuummik

akiliisussaatitaaneq tunniussinnermit pilersarteq, eqqartuussisarnermik inatsimmi § 715, nr. 1-imi takuneqarsinnaavoq.

»suliassanngortitsissutit« kingorna »akiliisitsiniarnermut eqqartuussivik ikiorsiullugu akiligassanik akiliisitsiniarnerit« ilanngunneqassasoq § 715, nr. 1-imi siunnersuutigineqarpoq.

Akiliisitsiniarnermut eqqartuussivik ikiorsiullugu akiligassanik akiliisitsiniarnermut akitsuummik akiliisussaatitaaneq akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussivimmut tunniunneqarneranit pilissasoq, siunnersuutip kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 10-mut

Eqqartuussummik naammassisitsiniaanernut akitsuut, eqqartuussiviit naalagaaffik sinnerlugu akileqqutittagaat pillugu eqqartuussisarnermik inatsimmi § 720 tunngassuteqarpoq.

Akiligassallip pigisaanik tigusinnermi akitsuummik 300 kr.-iusumik akiliisoqassasoq, Eqqartuussisarnermik inatsimmi § 720, imm. 1, nr. 1-imi takuneqarsinnaavoq.

Nutaamik § 720, imm. 2-mik ilanngussisoqarnissaa siunnersuutigineqarpoq, taassumalu § 263 f, imm. 1-imi oqaaseqatigiit aappaat malillugu akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu pinngitsaaliinikkut naammassinninniaaneq aallartinneqartillugu, imm. 1, nr. 1 malillugu akitsuummik akiliisoqannginnissaa aalajangerpaa, taamaattoq § 722 takuuk.

Akiliisitsiniarnermut eqqartuussivik ikiorsiullugu akiligassanik akiliisitsiniarnermut akiligassalik akerliliissutinik saqqummiussisimatinnagu, aamma akiliisitsiniarnermut eqqartuussivik ikiorsiullugu akiligassanik akiliisitsiniarnermi akiligassaqarfiup toqqaanera naapertorlugu Nunatsinni Eqqartuussiviup akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatitalik, tamatuma kingorna najukkami eqqartuussivimmut

nassiuppagu, taamaalilluni akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussisarnermik inatsimmi § 263 f, imm. 1-imi oqaaseqatigiit aappat, inatsisissatut siunnersuummi § 1, nr. 1-itut oqaasertaliorneqartoq, malillugu pinngitsaaliinikkut naammassinninniaanermut, akiliisitsiniarnermut eqqartuussivik ikiorsiullugu akiligassanik akiliisitsiniarneq, naligiissinneqassaaq, aallaaviatigullu eqqartuussisarnermik inatsimmi § 720, imm. 1, nr. 1 malillugu akiligassallip pigisaanik tigusinermi akitsuummik, eqqartuussiviit naalagaaffik sinnerlugu akileqqutittagaannik akiliisoqannginnissaa, siunnersuutip kinguneraa.

Akitsuut, eqqartuussiviit naalagaaffik sinnerlugu akileqqutittagaat 500 kr.-iusoq, inatsisissatut siunnersuummi § 1, nr. 7 malillugu, akiliisitsiniarnermut eqqartuussivik ikiorsiullugu akiligassanik akiliisitsiniarnerup tunniunneqarnerani siunnersuut malillugu akilerneqartussaq, taamaalilluni pinngitsaaliinikkut naammassinninniaaneq aamma § 263 f, imm. 1-imi oqaaseqatigiit aappaattut siunnersuutigineqartup malitsigisaanik tulliuttumik nutaamik noqqaassuteqarani aallaartinneqarpat, pinngitsaaliinikkut naammassisitsineq matussusissavaa.

Pisuni, tassani akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaatitalik, pinngitsaaliinikkut naammassinninniarnep aallartinneqannginnerani akiligassaqaarfiup utertinneqarnissaa toqqarsimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu akiligassaqaarfiup akiligassallip pigisaanik tigusisoqarnissaa kingusinnerusukkut noqqaassutigippagu, kisianni eqqartuussisarnermik inatsimmi § 720, imm. 1, nr. 1 malillugu akiligassallip pigisaanik tigusinissamik noqqaassuteqarnermut akitsuut, eqqartuussiviit naalagaaffik sinnerlugu akileqqutittagaat 300 kr.-iusoq akilertussaassavaa.

Aammattaaq akiligassaqaarfik akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarnerata kingorna, eqqartuussisarnermut inatsimmi § 722-imut innersuussutigineqartussatut siunnersuutigineqartoq malillugu, piumasaqaat pillugu noqqaassummik nutaamik saqqummiussippat, akiligassallip pigisaanik tigusinermut akitsuummik, eqqartuussiviit naalagaaffik sinnerlugu akileqqutittagaannik, akiliisoqartussaassaaq.

Akiliisitsiniarnermut eqqartuussivik ikiorsiullugu akiligassanik
akiliisitsiniarneq oqaaseqaatitalik, pinngitsaaliinikkut
naammassinninniaanissaq siunertaralugu Nunatsinni Eqqartuussivimmit
najukkami eqqartuussivimmut nassiunneqarnera, akiligassa qarfimmit
nutaamik noqqaassutaanngimmat, tassunga atatillugu
maluginiarneqassaaq. Akiligassalik piumasaqaammut
akerliliissuteqanngippat, nutaamik noqqaassuteqarani pinngitsaaliinikkut
naammassinninniaanerup aallartinneqarnissaa akiligassa qarfiup
akiliisitsiniarnermut eqqartuussivik ikiorsiullugu akiligassanik
akiliisitsiniarnermi toqqarsimappagu, akiliisitsiniarnermut eqqartuussivik
ikiorsiullugu akiligassanik akiliisitsiniarneq pinngitsaaliinikkut
naammassinninniaanermik noqqaassuteqarnertut ator neqassaaq, aamma
piffissap ingerlanerani qaammatit 3 sinnerlugit qaangiutereersimanerat
apeqqutaatinagu, taamaattoqarpat pinngitsaaliinikkut
naammassinninniaaneq aallaqqaataani noqqaassut tunngavigalugu
pisussaassaaq.

Aammattaaq inatsisissatut siunnersuummi nalinginnaasumik oqaaseqaatini
imm. 2.2 innersuussutigineqarpoq.

§ 2-mut

Aalajangersagaq inatsisip atuutilernissanut tunngassuteqarpoq.

Inatsisip ulloq 1. juli 2025 atuutilernissaa siunnersuutigineqarpoq.

Ilanngussaq 1

Inatsisissatut siunnersuutip inatsimmut atuuttumut ataatsimoortinneqarnera

<i>Oqaasertaliussat atuuttut</i>	<i>Inatsisissatut siunnersuut</i>
	§ 1 Inatsimmik allanngorneri ilanngullugit nalunaarutiginninneq nr. 1186, 18. september 2023-imeersoq malillugu Kalaallit Nunaanni eqqartuussisarnermik inatsimmi allannguutit tulluittut suliarineqassapput.
§ 262. ---	1. § 262-ip kingorna <i>immikkoortumi III-imi ilanngunneqassaaq:</i> »Kapitali 22 <i>Akiliisitsisarnermut eqqartuussivik ikiorsiullugu akiligassanik akiliisitsiniarneq</i> § 263. Akiligassallip piumasaqaammut akerliliinnginnissaa imaluunniit illuatungaani piumasaqaateqarnissani piumasarissanngikkaa akiligassa qarfiup ilimaginngippagu, kapitalimi matumani malittarisassat aningaasanut piumasaqaataasunut annerpaamik 100.000 kr.-iusunut atorneqarsinnaapput. Erniat aningaasartuutillu piumasaqaatip nalingata naatsorsorneqarnerani ilaatinneqassanngillat. <i>Imm. 2.</i> Akiliisitsiniarnermut eqqartuussivik ikiorsiullugu akiligassanik akiliisitsiniarnermi aamma tassani akiligassallit arlallit

	taaneqarsimappata, akiligassalinnut tamanut immikkut immikkoortillugit malittarisassat §§ 263 d-miit 263 g ilanngullugu allassimasut atorneqassapput. § 263 a. Akiliisitsiniarnermut eqqartuussivik ikiorsiullugu akiligassanik akiliisitsiniarnerup Nunatsinni Eqqartuussivimmut tunniunneqarneratigut akiliisitsiniarneq aallartinneqassaaq. <i>Imm. 2.</i> § 263 b, imm. 2, nr. 2 malillugu, akiligassallip pigisanik tigusinissaq nutaamik noqqaassuteqarani aallartinneqarnissaa akiligassaqarfiup noqqaassutigippagu, § 601, imm. 1 aamma imm. 2-mi oqaaseqatigiit aappaat malillugit eqqartuussiviup piumasaqaatinik tamarmiusunik suliarinniffiusinnaasup Kalaallit Nunaanniinnissaa piumasaqaataavoq. <i>Imm. 3.</i> Aalajangersakkat taakku eqqortinneqarnerisa, taamaaliortoqanngippat akiligassarineqartut pisassarisat akilinngitsoorneqarnissaannik ilimanartorujussuarmik aarlerinaammik kinguneqassanngippata, akiliisitsiniarnermut eqqartuussivik ikiorsiullugu akiligassanik akiliisitsiniarnerup eqqartuussiivimmut tunniunneqannginnerani, akiligassalimmut akiligassanik akileeqqusissummik, imm. 4-imik aamma 5-imik piumasaqaatinik naammassinnittumik nassiussisoqarsimassaaq, aamma
--	--

	piffissaliussaq imm. 5-imi taaneqarsimasoq, naareersimassaaq. <i>Imm. 4.</i> Akiligassanik akileeqqusissummi paasissutissat tamarmiusut, pisassarisap akiligassalimmit nalilersorneqarnissaanut pisariaqartinneqartut, erseqqissumik taaneqassapput. <i>Imm. 5.</i> Piffissap sorliup iluani, akiligassalimmut aningaasartuutininik akiligassat annertusineqarnissaanut iliuuseqarfiusussaannngitsup, akiligassallip pissarisamik naammassillugu akiliiffigisinnaasaa, akiligassanik akileeqqusissummi taaneqassaaq. Akiligassanik akileeqqusissutip nassiunneqarneranit, ullunik minnerpaamik 14-inik piffissaliussaq sivilissuseqassaaq. § 263 b. Akiliisitsiniarnermut eqqartuussivik ikiorsiullugu akiligassanik akiliisitsiniarneq tulluuttunik imaqassaaq 2) akuusut atii aamma najugaat, matumani najugaq, akiligassaqqarfimmut nalunaarutininik nassiussiffigineqarsinnaasooq, 2) akiligassaqqarfup piumasaaqataa aamma 3) akiligassaqqarfup piumasaaqaatanut tunuliaqutaasup allaaserineqarnera. <i>Imm. 2.</i> Paasissutissat tulluuttut pillugit aammattaaq akiliisitsiniarnermut eqqartuussivik ikiorsiullugu akiligassanik akiliisitsiniarneq imaqassaaq,
--	---

	1) § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31, 171 imaluunniit § 207, imm. 1 malillugit akiligassap pigisaanik tiguisoqarsinnaanngippat, akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu akiligassalimmut nalunaarutiginnittoqarnissaa akiligassaqaarfiup kissaatigineraa, 2) akiligassalik akerliliinngippat, akiligassallip pigisaanik tigusinissaq nutaamik noqqaassuteqaqqaarnani aallartinneqassanersoq, akiligassaqaarfiup kissaatigineraa, aamma 3) akiligassalik akerliliippat, akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu eqqartuussivimmi suliassamik suliarinninneq aallartinneqarnissaa, akiligassaqaarfiup kissaatigineqarneraa. <i>Imm. 3.</i> Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu Domstolsstyrelse malittarisassanik erseqqinnerusunik aalajangersaasinnaavoq, matumani immersugassat immikkut ittut atorneqarneqarnissaat aamma akiliisitsiniarnermut eqqartuussivik ikiorsiullugu akiligassanik akiliisitsiniarnerup assilillugu
--	---

	sanaqqinneqarnerata tunniunneqarnissaa ilanngullugit. <i>Imm. 4.</i> Nunatsinni Eqqartuussivik immersugassat immersorneqarneranni ilitersuissaaq. § 263 c. Akiliisitsiniarnermut eqqartuussivik ikiorsiullugu akiligassanik akiliisitsiniarnerup piumasaqaatit §§ 263-263 b-miittut eqquutinngippagit, aalajangiinikkut suliaq itigartitsissutigineqassaaq. Suliap saqqummiunneqarnerani akiligassaqaarfiup piumasaqaatai tunngavissaqanngitsutut isigineqarpata, tamanna aamma atuuppoq. Akiligassaqaarfigineqartup noqqaassuteqarneratigut itigartitsineq pillugu aalajangiineq tunngavilersorneqassaaq. <i>Imm. 2.</i> Imm. 1-imi amigaatit taaneqartut pillugit akiligassaqaarfigisap amigaatit iluarsineqarnissaannut akiligassaqaarfigisaaq eqqartuussiviup piffissaliussamik tunisinnaavaa. <i>Imm. 3.</i> Suliami aningaasartuutigineqartut akilerneqarnissaat pillugit eqqartuussivik aalajangiissaaq aamma akiliisitsiniarnermut eqqartuussivik ikiorsiullugu akiligassanik akiliisitsiniarnermut tamanna pillugu oqaaseqaateqassaaq. § 263 d. § 603, imm. 1, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 malillugit akiligassallip pigisaanik tigusisoqarsinnaanngippat, aamma §
--	---

	263 b, imm. 2, nr. 1 malillugu akiligassa qarfiup taamaattoqassappat nalunaarutiginninnerup pinngitsoortigineqannginnissaa noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarnerup imm. 2-mi ilitersuummi taaneqartumi ilanngunneqartup, akiligassalimmut nalunaarutigineqarnissaa eqqartuussiviup isumagissavaa. <i>Imm. 2.</i> Akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu eqqartuussutip inatsisitigut malitseqartinneqarnera pillugu, aamma akiligassallip nammineq soqutigisami isumaginissaannut qanoq iliuuseqartariaqarnera pillugit, akiligassalimmut ilitersuummik Domstolsstyrelse suliaqassaaq. § 263 e. Piumasaqaammut akiligassalik akerliliippat, akiligassallip akiliisitsiniarnermut eqqartuussivik ikiorsiullugu akiligassanik akiliisitsiniarneq pillugu nalunaarutiginninnerup kingorna, sapaatit akunneri 4 qaangiutsinnagit akiligassalik allakkatigut tamanna pillugu eqqartuussivimmut nalunaaruteqassaaq. § 263 f. § 263 e malillugu piffissaq eqqorlugu akerlilineq saqqummiunneqanngippat, akiliisitsiniarnermut eqqartuussivik ikiorsiullugu akiligassanik akiliisitsiniarnermut tamanna pillugu
--	--

	eqqartuussivik oqaaseqaateqassaaq aamma akuusut nalunaarfigissallugit. § 263 b, imm. 2, nr. 2 malillugu nutaamik noqqaassuteqartoqartinnagu akiligassallip pigisaanik tigusinissap suliarineqarnissaa akiligassa qarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup najukkami eqqartuussivimmut nassiutissavaa, aamma akiliisitsiniarnermut eqqartuussivik ikiorsiullugu akiligassanik akiliisitsiniarneq pinngitsaaliinikkut naammassinninniaanermut naligiissinneqassaaq. Nutaamik noqqaassuteqarnani akiligassallip pigisaanik tigusinissap suliarineqarnissaa akiligassa qarfiup noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq eqqartuussiviup akiligassa qarfimmu nassiutissavaa. <i>Imm. 2.</i> Imm. 1-imi oqaaseqatigiit siulliit malillugit akiliisitsiniarnermut eqqartuussivik ikiorsiullugu akiligassanik akiliisitsiniarneq oqaaseqaateqarfigineqarpat, taanna eqqartuussutitut unioqqutinneqartussaannngitsumik sunniuteqalissaaq. <i>Imm. 3.</i> Sapaatit akunnerini 4-ni piffissaliussap iluani suliap aallarteqqinneqarnissaa akiligassallip piumasaqaatigisinnaavaa. Noqqaassut Nunatsinni Eqqartuussivimmut saqqummiunneqassaaq. Noqqaassut najukkami eqqartuussivimmut
--	--

	saqqummiunneqarpat, najukkami eqqartuussiviup erngerluni tamanna pillugu Nunatsinni Eqqartuussivik nalunaarfigissavaa. Noqqaassut kingusinnerusukkut, kisianni ukioq 1 qaangiutsinnagu, saqqummiunneqarpat, qaqutiguinnaq Nunatsinni Eqqartuussiviup suliaq aallarteqqissinnaavaa. Akiligassalimmit suliamut aningaasartuutit, akileqquneqartut, akilerneqarnissaat imaluunniit qularnaveeqquserneqarnissaat, aallartitseqqinnissamut piumasagaatigineqarsinnaapput. <i>Imm. 4.</i> Suliaq aallarteqqinneqarpat, imm. 1-imi oqaaseqatigiit siulliit malillugit oqaaseqaat eqqartuussiviup atorunnaarsissavaa, aamma § 263 g malillugu suliaq ingerlatilissallugu. § 263 g. § 263 e malillugu piffissaq eqqorlugu piumasagaammut akerliliisoqarpat, aamma § 263 b, imm. 2, nr. 3 malillugu eqqartuussivimmut sassaqqusissummik tunniussinani eqqartuussivimmi suliap aallartinneqarnissaa akiligassa qarfiup noqqaassutigisimappagu, akiliisitsiniarnermut eqqartuussivik ikiorsiullugu akiligassanik akiliisitsiniarneq, eqqartuussivimmut sassaqqusissutitut naligiissinneqartoq, tunngavigalugu eqqartuussivimmi suliaq eqqartuussiviup aallartissavaa. Eqqartuussivimmi suliap eqqartuussivimmut sassaqqusissummik tunniussinani aallartinneqarnissaa akiligassa qarfigisap
--	--

	noqqaassutigisimanngippagu, akiliisitsiniarnermut eqqartuussivik ikiorsiullugu akiligassanik akiliisitsiniarneq akiligassaqarfimmut nassiunneqassaaq, aamma tamanna pillugu akiligassalik nalunaarfigineqassaaq.”«
§ 598. Pinngitsaaliinikkut naammassinninniaaneq pisinnaavoq makku tunngavigalugit 1) eqqartuussutit aalajangiinerillu Kalaallit Nunaanni eqqartuussiviit imaluunniit pisortat oqartussaataaasa allat eqqartuussutigisimasaat imaluunniit aalajangiinerisimasaat, taakkualu aalajangiineri inatsit naapertorlugu naammassiniarneqarsinnaasut, 2-9) ---	2. § 598, imm. 1, nr. 1-imi, ”naammassiniarneqarsinnaasut,” kingorna ilanngunneqassaaq: »akiliisitsiniarnermut eqqartuussivik ikiorsiullugu akiligassanik akiliisitsiniarnerit § 263 f, imm. 1 malillugu oqaaseqaatitaqartut«.
§ 599. --- Imm. 1. --- Imm. 2. Aalajangiinerit ingerlaannaq naammassinninniarneqarsinnaapput, aalajangiinerimi allatut aalajangiisoqarsimanngippat. Imm. 3. Isumaqatigiisitsinikkut isumaqatigiissutit, § 598, imm. 1, nr. 2- mi taaneqartut, naammassinninniarneqarsinnaapput piumasaqaat akilerneqareersimasussaappat, taamaattoqassananili isumaqatigiisitsinikkut isumaqatigiisummi allatut aalajangiisoqarsimappat. Imm. 4-6. ---	3. § 599-imi imm. 2-p kingorna immikkoortut nutaatut ilanngunneqassaaq: ”Imm. 3. Akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq, erngerluni naammassinninniutigineqarsinnaavoq.” Tamatuma kingorna imm. 3-miit 6 ilanngullugu imm. 4-imiit 7 ilanngullugu immikkoortunngussapput.

§ 600. Pinngitsaaliinikkut naammassinninniaanissamik noqqaassut aatsaat tunniunneqarsinnaalissaaq § 599-imi taaneqartutut piffissarititat qaangiutereernerisigut. Piumasaqaatinut § 599, imm. 6-imi pineqartunut tunngatillugu noqqaassut siusinnerpaamik tunniunneqarsinnaalissaaq ullup piffissaq eqqorlugu akiliiffissap kingulliup aqaguaniit. <i>Imm. 2. ---</i>	4. § 600, imm. 1-imi, oqaaseqatigiit aappaanni, ”Imm. 6” ima allanngortinneqassaaq: ”Imm. 7”.
§ 609. --- <i>Imm. 2. ---</i> <i>Imm. 3.</i> Eqqartuussutit aalajangiissutillu eqqortuunerannut akerliliissutit aamma eqqartuussivikkoortumik isumaqatigiissutigitinneqarsimasanut akerliliissutit, eqqartuussisut ingerlatsinerannut tunngassutill it, pinngitsaaliis sutitut naammassinninniaasoqarnerani atortuutinniarneqarsinnaanngillat.	5. § 609, imm. 3-mi, »aalajangiissutillu” kingorna ilanngunneqassaaq: ”kiisalu akiliisitsiniarnermut eqqartuussivik ikiorsiullugu akiligassanik akiliisitsiniarneq § 263 f, imm. 1 malillugu oqaaseqaatitaqartoq,«.
Kapitali 55 <i>Innuttaasut eqqartuussivikkut suliaassissutaasa siullermeeriffiusumik suliarineqarneranni akitsuutit</i>	§ 708 sioqqullugu qulequtaq ima oqaasertalerneqassaaq: <i>»Innuttaasut pillugit eqqartuussivimmi suliat eqqartuussummik</i>

<i>Innuttaasut eqqartuussivikkut suliassiissutaat</i>	<i>naammassineqartut aamma akiliisitsiniarnermi eqqartuussivik ikiorsiullugu akiligassanik akiliisitsiniarnerit«.</i>
§ 708. Innuttaasut eqqartuussivikkut suliaassiissutaannut siullermeeriffiusumik suliarineqartunut akitsuutit 500 koruunit akilerneqartassapput.	§ 708-imi »siullermeeriffiusumik« kingorna ilanngunneqassaaq: »aamma akiliisitsiniarnermut eqqartuussivik ikiorsiullugu akiligassanik akiliisitsiniarneq«.
§ 708. ---	8. § 708-imi imm. 2-tut ilanngunneqassaaq: »Imm. 2. § 603, imm. 1 malillugu akiligassallip pigisaanik tigusisoqarnissaata itigartitsissutigineqarnera, imaluunniit akiliisinnaajunnaarnermut inatsimmi §§ 16, 16 a, 31 imaluunniit 171 imaluunniit § 207, imm. 1 pissutigalugit akiliisitsiniarnermut eqqartuussivik ikiorsiullugu akiligassanik akiliisitsiniarnermut nalunaarutiginninnerup nalunaarutigineqarnera pinngitsoorpat, aamma § 263 b, imm. 2, nr. 1 malillugu taamaattoqassappat nalunnarutiginninnerup pinngitsoortinneqarnissaa akiligassaqaarfiup noqqaassutigisimappagu, akitsuutininik akiliisussaannermut pisussaaffik atorunnaarsinneqassaaq. «
§ 715. Akitsuutininik akiliisussaaneq atuutilertassaaq 1) suliaassanngortitsissutinut suliaassamilu allakkianut allanut akitsuuteqartussanik imaqtartunut:	9. § 715, nr. 1-imi, »suliaassanngortitsissutinut« kingorna ilanngunneqassaaq: », akiliisitsiniarnermut eqqartuussivik ikiorsiullugu akiligassanik akiliisitsiniarneq«.

tunniussisoqarnerani, 2-3) ---	
§ 720. --- <i>Imm. 2.</i> Akiligassaqarfigisap akiitsulimmit ataasiusumit piumasaqaatit arlaliusut pillugit qularnaveeqqusiissutaasumik pisassa qarneq tunngavigalugu qularnaveeqqutitut sillimmasiussinissaq noqqaassutigippagu akitsuut ataaseq akilerneqassaaq. <i>Imm. 3.</i> Akiligassaqarfigisap akiitsulinnit arlalinnit piumasaqaatit assigiit pillugit qularnaveeqqutitut sillimmasiussinissaq imaluunniit arsaarinnikkallarnissaq noqqaassutigippagu, akiitsullit tamarmik immikkut akitsuutinik akiliunneqassapput. Tamannali atuutissanngilaq akiitsullit aappariittut inooqatigiiuppata imaluunniit noqqaassut illumut, akiitsulinnit peqatigiinnikkut pigineqartumut, tunngasuuppat. <i>Imm. 4.</i> Akitsuutinik akiliisussaaneq atorunnaassaaq eqqartuussutinik naammassinninniaasartup qularnaveeqqutitut sillimmasiussinissaq § 603, imm. 1 malillugu itigartitsissutigippagu, imaluunniit suliassaq	§ 720-imi imm. 1-p kingorna immikkoortut nutaatut ilanngunneqassaaq: »<i>Imm. 2.</i> § 263 f, imm. 1-imi oqaaseqatigiit aappat malillugit akiliisitsiniarnermut eqqartuussivik ikiorsiullugu akiligassanik akiliisitsiniarneq tunngavigalugu pinngitsaaliinikkut naammassinninniaaneq aallartinneqarpat, imm. 1, nr. 1 malillugu akitsuut akilerneqassanngilaq, taamaattoq § 722 takuuk. « Tamatuma kingorna imm. 2-miit 4 ilanngullugu imm. 3-miit 5 ilanngullugu immikkoortunngussapput.

akiliisinnaajunnaarneq pillugu inatsimmi §§ 16-16 a, § 31, § 171 aamma § 207, imm. 1 malillugit itigartitsissutigineqarpat.	
--	--